

推步法解

推步法解卷一

守山閣叢書


婺源江永撰

推日躔法

用數

康熙二十三年甲子天正冬

筆爲秣苑



秣必有元所以爲步算之端古術先爲日法以今日月五星之行推而上之必得甲子歲前十一月甲子朔夜半冬至七曜齊同之年以爲元荒遠無徵自漢太初三統而後一術輒更一元元授時術始革其失測定氣應閏應轉應交應五星合應秣應卽以至元辛巳爲元不用積年日法明大統法因之季年用西法擬改憲以崇禎戊辰爲元我

朝因其新法諸平行歲歲有根數隨年皆可爲元此定康熙甲子紀首之年爲元用授時立應之法上考下求皆以是年諸應爲根天正冬至者甲子年前之平冬至實癸亥年十一月推步必以前前冬至爲首履端于始之義也

周天度三百六十

入算化作一百二十九萬六千秒平分之爲牛周四分之爲象限十二分之爲宮

此周天整度也古法用日度三百六十五度有奇奇零之數不便分析故以三百六十整齊之或曰天本無度因日之行而生度可以臆縮之乎曰天道恒以整齊者爲體以奇零不齊者爲用如十千十二支相配而爲六十此整齊者也六其六十則爲三百六十矣一歲必多五日有奇天之用數也要其體數則恒爲三百六十故易曰乾之策二

百一十有六坤之策百四十有四凡三百有六十當期之日亦以其體數言之實則當期之度也自太陽一日右旋之軌迹而觀之似一日平行一度而無餘自體數三百六十度而觀乃是一日平行一度而不足卽謂周天實止三百六十度因日行有不足之數而生五日有奇之贏數亦無不可也天者統而言之七政恒星各居一重天皆以三百六十度爲周天經度如斯緯度亦然卽地之經緯度亦然凡諸天之小輪皆可析爲十二宮剖爲三百八十度又若三角八線萬有不齊之數皆可以整齊者御之

度法六十

分秒微以下皆以六十迭析

三百六十度者六其六十度分以下亦皆以六十爲法其

不用百分何也八線表及渾儀以六十析度爲得疏密之中又一小時六十分與度法相當亦取便於變時也

歲周三百六十五日二四二一八七五

歲周小餘係五時三刻三分四十五秒將

時刻分化秒用萬分通之得二千四百二十一秒小餘八七五凡此者所以便布算也後平行諸應通法皆倣此

歲周卽歲實此太陽平行之平歲實也今時太陽最卑近

冬至平行處近春分測累年春分前後相距則得平歲實

如是若以定冬至相距其小餘必稍贏猶之月朔當轉終

則時刻必多于朔策且太陽小輪古更大於今其贏數愈

多回回之法三百六十五日爲平年多一日爲閏年一百

二十八年閏三十一日此小餘萬分日之二四二一八七

五正合一百二十八分之三十一又考崇禎新書日躔表

說云新法依百分算定用平行歲實爲三百六十五日二十四刻二十一分八十八秒六十四微尾數多一秒二十四微截去不用豈欲取五時三刻三分四十五秒之整數秒下之微其數可省與一秒一十四微僅當六微弱耳雖積之久其數不多也 通分之法以五時三刻三分四十五秒化作二萬零九百二十五秒與萬相乘爲實以一日八萬六千四百秒爲法除之得二四二一八七五

歲差五十一秒

太陽行黃道已周尙有不及列宿天之數謂之歲差實由恒星天日日有東行之細數積之一歲行五十一秒也七十年行五十九分三十秒幾及一度

日法一千四百四十

古法一日百刻不便於均派十二時今法定爲九十六刻刻十五分合之一千四百四十分一刻用十五分者合四刻爲一小時六十分與度法相當也分下秒微亦以六十迭析一日化秒八萬六千四百秒

日周通法一萬

萬分者授時之法今仍用爲通法

紀法六十

甲子六十日也

宿法二十八

日有值日之宿猶之六甲值日古法無之

太陽每日平行三千五百四十八秒三三〇五一六九

以周天一百二十九萬六千秒乘日周通法以歲周除之得每日平行秒數及小餘以六十分法約之五十九分八秒一十九微奇也

最卑歲行六十一秒一六六六六

最卑者太陽本輪底之一點舊曰最高衝或曰高衝今定名最卑此點亦有行度與月孛五星最高同理不用最高而用最卑者近冬至故也歲行一分一秒一十微五十九年弱行一度

最卑日行十分秒之一又六七四六九

太陽距最卑爲自行引數每日之行雖甚微亦當加之

本天半徑一千萬

日月五星各麗一重天則各有其本天自下而上一太陰
二水星三金星四太陽五火星六木星七土星本天皆以
地心爲心其半徑大小甚相懸常設一千萬者整數便于
算也太陽本天距地比例數見推月食法

本輪半徑二十六萬八千八百一十二

均輪半徑八萬九千六百〇四

本輪均輪太陽盈縮之所由生也本輪之心在本天均輪
之心在本輪太陽實體在均輪遇最卑在均輪之頂遇最
高在均輪之底其行也本天隨動天左旋不及動天之速
因有右旋之度本天右旋則本輪之心亦隨之右旋太陽

每日平行之數卽本輪心行於本天之數其歲周卽本輪心隨本天一周之數也然本輪心又有逐日離最卑之度則本輪又自左旋本輪左旋而均輪心亦隨之左旋歲周之外有餘分逐及最卑則本輪帶均輪一周矣然均輪心雖隨本輪左旋而均輪又自右旋太陽在均輪上亦隨之右旋其度恒以倍本輪左旋一度均輪右旋兩度本輪一周均輪則兩周也太陽隨均輪在本輪心之左則加于平行在本輪心之右則減於平行其加減之度分秒必均故謂之均輪月五星之本輪均輪半徑有定太陽則不然古大而今漸小此本輪均輪半徑之數蓋崇禎戊辰所測其加減最大之均數二度三分有奇今時似不及此數

本輪半徑

約二十五萬一千五百九十六均最大之均一度五十五
輪半徑約八萬三千八百六十五
分而已顧其大不知何時始其小不知何時復此則非今
日所能知惟隨時測驗修改耳 均輪常居本輪三之一
氣應七日六五六三七四九二六

秣元天正冬至辛未日也初日起甲子七日爲辛未其小
餘剩八萬六千四百秒以萬分法除之五萬六千七百一
十秒七九三六零六四以時分秒收之十五小時四十五
分一十秒四十七微三十六纖奇平冬至辛未日申初三
刻零一十一秒

宿應五日六五六三七四九二六

辛未日尾值宿也初日起角宿五日爲尾

最卑應七度一十分一十一秒一十微

辛未次日子正時最卑行也以減太陽平行爲太陽自行
自元至元以前最卑在冬至前至元以後最卑在冬至後
惟至元間與冬至同度至是年行七度有奇冬至後八日
乃當最卑夏至後亦八日當最高是爲盈縮之初恒以冬
至爲盈初夏至爲縮初者非也

求天正冬至

求平冬至也若求定冬至須實算日躔初宮初度見
後求節氣時刻條

置歲周以距秣元之積年

下求將來則從秣元順推
上考往古則從秣元逆溯

減一乘

之

距年恒數算外須減一乃是實距如甲戌距甲子十一年

實距十年

得中積分

積日併小餘

加氣應

上考往古
減氣應

加減七日有奇之氣應乃得甲子後幾日

滿紀法去之

六旬周故也

餘爲天正冬至日分

上考往古則以所餘轉與紀
法相減餘爲天正冬至日分

自初日起

甲子其小餘以日法通之如法收爲時刻

日周通法爲一率
小餘爲二率日法

爲三率求得四率爲時分滿六十
分收爲一小時十五分收爲一刻

三率法見後條註分下有秒其數小可略小數過半收爲分未過半棄之後凡求時刻相同

初時起子正一時爲丑初以至二十三時爲夜子初

求天正冬至小餘爲後條求年根秒數張本若小餘當某時某刻某分此爲平冬至不以註書亦求之者重歲始且與定冬至時刻相較先後也小寒後二十三平氣則可略之矣凡最卑在冬至前者平冬至在定冬至後最卑在冬至後者反之

求平行

以日周通法爲一率太陽每日平行爲二率天正冬至小餘與日周通法相減餘爲三率

如氣應小餘六五六三七四九二六與日周通法相減餘
爲三四三六二五零七四

求得四率

二率與三率相乘一率
除之即得四率後微止

此三率法即異乘同除之法相乘者實數除之者法數也
二率三率可互易凡三率中有百千萬之整數爲二三率
者進位即可省乘爲一率者退位即可省除

爲年根秒數

平冬至次日子正時太陽平行若干秒也以平冬至小餘
與日周通法相減之餘爲三率其餘數之時刻太陽平行
得若干秒是爲次日子正時之秒亦即爲一年之根年根
必次日子正時者便於相加得整日所求皆得子正時之

度秒也

又置太陽每日平行以本日距天正冬至之日數乘之得數爲秒與年根相併以宮度分收之爲平行

一十萬八千秒爲宮三千六百秒爲度六十秒爲分

求實行

置最卑歲行以積年乘之又置最卑日行以距天正冬至之日數乘之兩數相併內加最卑應

上考則減最卑應

以減平行得引

數

太陽平行距最卑之數亦卽均輪心行本輪周之數

用直角三角形

小句股形也

以本輪半徑三分之一爲對直角之邊

本輪半徑減去均輪半徑其餘三分之二如以八九六零四減二六八八一二其餘一七九二零八也此邊爲小弦從本輪心抵均輪底與正方角相對

以引數爲一角

此角轉本輪心引數度在本輪周卽其角之度

求得對角之邊

此邊爲小句用正弦比例檢八線表半徑千萬爲一率引數度正弦爲二率對直角之邊爲三率求得四率爲對角之邊從直角抵均輪底與小弦相交 引數過一象限者與半周相減過二象限者減去半周過三象限者與全周

相減皆用其餘爲二率

倍之

凡引數左旋一度則均輪右旋兩度太陽實體在其上前求對角之邊雖抵均輪之底尙未抵太陽故更引長而倍之所以用倍數何也合本輪均輪半徑三五八四一六與本輪半徑三分之二加一倍故此邊恒用倍其所加之一倍卽均輪上倍引數度之通弦爲太陽實體所在

又求得對餘角之邊

此邊爲小股用餘弦比例半徑千萬爲一率引數度餘弦爲二率對直角之邊爲三率求得四率爲對餘角之邊從直角抵本輪心用第二率之法同上

與半徑相加減

引數三宮至八宮則相加九宮至二宮則相減

本天之半徑也本輪上六宮相加下六宮相減

復用直角三角形

大句股形也

以加倍之數爲小邊加減半徑之數爲大邊

直角在兩邊之中

小邊爲大句大邊爲大股

求得對小邊之角爲均數

用切線比例大邊爲一率小邊爲二率半徑千萬爲三率

求得四率爲正切以正切檢表得角度此角轉地心

置平行以均數加減之

引數初宮至五宮爲加六宮至十一宮爲減

初宮起最卑故與月五星之加減相反

得實行

平行者本輪心當黃道之度實行者太陽實體當黃道之度

求宿度

以積年乘歲差得數加黃道宿鈴

鈴見卷後

以減實行餘爲日躔

宿度若實行不及減宿鈴退一宿減之

積年乘歲差加黃道宿鈴者加入相近之經度宿也以減太陽實行則得日躔宿度矣然所得皆本日子正時宿度若當兩宿交界之際欲求易宿時刻當倣後求節氣時刻之法於易宿之日以本日太陽實行與次日實行相減餘爲一率日法爲二率本日子正實行與本宿相減餘爲三

率求得四率爲距子正後分數乃以時刻收之卽得次宿時刻

求值宿

置中積分加宿應滿宿法去之餘數加一日爲值宿初日起角宿

如三百六十有奇滿宿法去三百六十四日餘一日有奇加一日是亢宿

求節氣時刻

日躔初宮丑初度爲冬至十五度爲小寒一宮子初度爲大寒十五度爲立春二宮亥初度爲雨水十五度爲驚蟄三宮戌初度爲春分十五度爲清明四宮酉初度爲穀雨十五度

爲立夏五宮

申

初度爲小滿十五度爲芒種六宮

未

初度爲

夏至十五度爲小暑七宮

午

初度爲大暑十五度爲立秋八

宮

巳

初度爲處暑十五度爲白露九宮

辰

初度爲秋分十五

度爲寒露十宮

卯

初度爲霜降十五度爲立冬十一宮

寅

初

度爲小雪十五度爲大雪

此黃道上分界定度太陽實行到此爲真節氣因太陽有加減之度故黃道上度均而時日不均古法不知太陽盈縮者固非知盈縮有定氣而仍以恒氣注秣者亦非況其所爲恒氣者又不以平冬至爲根而以定冬至起算其所爲盈縮者又不知有推移而常定於二至則恒氣固謬而定氣亦非真

皆以子正日躔未交節氣宮度爲本日已過節氣宮度爲次日推時刻之法以本日實行與次日實行相減爲一率日法爲二率本日子正實行與節氣相減爲三率如推立春則以宮十五度相減餘做此求得四率爲距子正後之分數乃以時刻收之卽得節氣初正時刻如實行適與節氣宮度相符而無餘分卽爲子正初刻

後推月離交食皆有求用時之法此求節氣卽以平時爲眞時矣若密測太陽時刻方位仍當用求時差之法

至於各省節氣時刻皆以京師爲主視偏度加減之

偏東一度加時

之四分偏西一度減時之四分

地是圓形人所居東西不同經則時刻異如此方視太陽

正中爲午正東方視之已過中西方視之未至中故節氣時刻西早而東晚地經差十五度者時差四刻故一度加減四分

求日出入晝夜時刻

以本天半徑爲一率北極高度之正切

以高度查入線表得之表詳數理精蘊後

做此爲二率本日距緯度

以實行查黃赤距緯表得之表詳後

之正切爲三率求

得四率爲赤道之正弦

從圓心出線至北極爲半徑則極高切線與赤道平行而距緯切線與半徑線平行其勢同故能爲勾股比例距緯切線最大者四三四六四也必求赤道者時以赤道爲宗也

檢八線表得日出入在卯酉前後赤道度變爲時分一度變

分十五分變時之一
分凡言變時者做此

太陽與赤道平行左旋繞地一周三百六十度分十二時
故一宮當一大時十五度當一小時一度當時四分此赤
道度變時之理也

以加減卯酉時卽得日出入時刻

春分前秋分後以加卯正
爲日出時刻以減酉正爲

日入時刻春分後秋分前以減卯正
爲日出時刻以加酉正爲日入時刻自日出至日入爲晝刻

與九十六刻相減餘爲夜刻

南方極出地度少晝夜之差漸平北方極出地度多晝夜

之差漸增地圓之故也 如求出入地平方位則以本天

半徑爲一率北極高度之正割爲二率本日距緯度之正

弦爲三率求得四率爲正弦檢八線表得出入卯酉地平
經度春分後在卯西北秋分後在南

二十八宿黃道經緯度鈴

黃道經度

黃道緯度

斗初宮五度五十分

南三度五十分

牛初宮二十九度三十七分

北四度四十一分

女一宮七度二十三分

北八度一十分

虛一宮十九度〇一分

北八度四十二分

危一宮二十九度

北十度四十二分

室二宮十九度〇七分

北十九度二十六分

壁三宮四度四十八分

北十二度三十五分

奎三宮十七度五十四分

北十五度五十八分

婁三宮二十九度三十三分

北八度二十九分

胃四宮十二度三十三分

北十一度十六分

昂四宮二十四度四十八分

北四度一十分

畢五宮四度〇三分

南二度三十七分

參五宮十八度〇一分

南二十三度三十八分

觜五宮十九度二十二分

南十三度二十六分

井六宮初度五十五分

南初度五十三分

鬼七宮一度二十分

南初度四十八分

柳七宮五度五十六分

南十二度二十七分

星七宮二十二度五十六分

南二十二度二十四分

張八宮一度十九分

南二十六度十二分

翼八宮十九度二十三分

南二十二度四十一分

軫九宮六度二十三分

南十四度二十五分

角九宮十九度二十六分

南一度五十九分

亢十宮初度。三分

北二度五十八分

氏十宮十度四十一分

北初度二十六分

房十宮二十八度三十一分

南五度二十三分

心十一宮三度二十一分

南三度五十五分

尾十一宮十度五十四分

南十五度

箕十一宮二十六度五十分

南六度五十六分

右二十八宿鈴乃秣元甲子年之黃道經緯度分其緯度距

黃道之南北千古不移而經度則每歲東行五十一秒所謂歲差也故求宿度必須以距秣元積年與歲差五十一秒相乘得數加入宿鈐方得所求年各宿實在之度分

赤道宗北極黃道宗黃極而恒星天亦以黃極爲宗星距黃極有定度其經度之東移者恒與黃道平行故距黃道之南北千古不移而距赤道時時不同古在赤道南者今或在北古在北者今或在南術家但知天樞一星去極遠近不同不知普天星宿皆有移動也每歲東行五十一秒由積候而得雖或稍有贏朒亦必遲之又久而後可見此二十八宿度數與崇禎戊辰所測者間有損益

黃赤距度表

距度表按二分二至分順逆列之二分後各宮列於上三宮至五宮爲春分後係北緯九宮至十一宮爲秋分後係南緯二至後各宮列於下六宮至八宮爲夏至後係北緯初宮至二宮爲冬至後係南緯太陽實行在上六宮則用右行順度在下六宮則用左行逆度用表之法以實行之宮對實行之度其縱橫相遇之數卽爲所求之距度也

假如太陽實行七宮一十一度于下列七宮對左行一十一度橫查之一十七度三十分二十九秒係北緯又如實行十一宮八度于上列十一宮對右行八度橫查之二十一度四十一分二十五秒係南緯

表只列整度其分數用中比例法求之

六十分化三千六百秒爲一率實行零分化秒爲二率本
度距緯與次度距緯相減餘分化秒爲三率求得四率爲
秒以分收之視次度多于本度者加之少於本度者減之
算表之法以本天半徑爲一率黃赤大距之正弦三九
八六二爲二率距春秋分黃道度之正弦爲三率求得四
率爲正弦以正弦檢八線表得黃赤距度分分下之秒視
表內次一分之數用中比例法求之 黃赤大距古多今
少古測日度二十四度當今整度二十三度三十九分元
至元時日度二十三度九十分當今整度二十三度三十
三分明季測整度二十三度三十一分半此表大距二十
三度二十九分半今時所測向後又當漸減此一事亦不

知何時而起何時而止者也

推步法解卷一終

推步法解卷二

推月離法

用數

太陰每日平行四萬七千四百三十五秒〇二二一七七

用前後兩月食諸行相近者計其積日得日平行十三度

一十分三十五秒奇

太陰小時

刻四

平行一千九百七十六秒四五九二二五七

日平行二十四分之三十二分五十六秒二十七微奇

月孛每日平行四百〇一秒〇七七四七七

月本輪最高點也其對衝卽古法入轉日平行六分四十

一秒五微奇以減太陰日平行爲月自行

正交每日平行一百九十〇秒六四

月道交黃道自南而交入於北之一點也其對衝爲中交日平行三分一十秒三十六微奇其行左旋正交謂之羅暎中交謂之計都古法以正交爲中中交爲正

本天半徑一千萬

本天距地比例數見推月食法

本輪半徑五十八萬

均輪半徑二十九萬

本輪之心在本天均輪之心在本輪均輪半徑得本輪半徑之半本輪左旋均輪右旋

負圈半徑七十九萬七千

負圈者所以負均輪而轉次輪者也其半徑合均輪全徑及次輪半徑其心在均輪上當次輪最近點對衝之處負圈隨均輪右旋則次輪亦隨之後雖不用負圈而負圈在其中無負圈則次輪無爲帶動者矣

次輪半徑二十一萬七千

次輪者月離日之輪也五星次輪心在均輪上獨月次輪心在負圈上其周恒與均輪相切負圈帶之右旋而次輪之度自左旋月離日一度次輪上兩度謂之倍離朔至望望至朔而兩周

次均輪半徑一十一萬七千五百

次均輪者月實體所在也五星實體在次輪上月獨有次

均輪其心在次輪上一月兩周朔望時最近于均輪心兩
弦時最遠于均輪心月在次均輪上左旋從輪心出線距
地心作十字線於輪面朔望時恒當直線之下兩弦時恒
當直線之上朔弦與望弦間恒在橫線之左弦望與弦朔
間恒在橫線之右亦一月而兩周

黃赤大距二十三度二十九分三十秒

康熙甲午年所測也

朔望黃白大距四度五十八分三十秒

兩弦黃白大距五度一十七分三十秒

白道者月道也朔望月在次均輪之底故兩道稍斂而狹
兩弦月在次均輪之頂故兩道稍張而闊其中數五度八

分

太陰平行應一宮○八度四十分五十七秒一十六微

秊元天正冬至次日壬申子正時太陰平行宮度也授時秊諸應皆起冬至日時刻此諸應起冬至次日子正便于積算整日也後月孛正交及五星諸應倣此

月孛應三宮○四度四十九分五十四秒○九微

正交應六宮二十七度一十三分三十七秒四十八微

求天正冬至

詳日
曜

求太陰平行

置中積分

詳日
曜

加氣應小餘

六五六三七四九二六也

減天正冬至小餘

所求天正冬至日之餘數也

得積日

上考往古則減氣應小餘加天正冬至小餘

與太陰每日平行相乘滿周

天秒數去之餘數收爲宮度分以加太陰平行應得太陰年

根

上考往古則減

加氣應小餘者從秣元辛未日子正時起也減天正冬至小餘者欲得整日也秣元冬至日子正至今年冬至日子正得積日若干猶之秣元冬至次日子正至今年冬至次日子正也太陰平行應實秣元冬至次日子正之宮度分以加積日之平行卽是今年冬至次日之平行矣故爲太陰年根

又置太陰每日平行以距天正冬至之日數乘之得數爲秒
以宮度分收之與年根相併滿十二宮去之爲太陰平行

求月孛平行

以積日與月孛每日平行相乘滿周天秒數除之餘數收爲

宮度分以加月孛應得月孛年根

上考往古則減

又置月孛每日平

行以距天正冬至之日數乘之得數爲秒以宮度分收之與

年根相併

滿十二宮收之

爲月孛平行

求正交平行

以積日與正交每日平行相乘滿周天秒數去之餘數收爲

宮度分以減正交應

正交應不足減者加十二宮減之

得正交年根

上考往古則加

交行左旋故順減逆加

又置正交每日平行以距天正冬至之日數乘之得數爲秒
以宮度分收之以減年根年根不足減者加十二宮減之爲正交平行

求用時太陰平行

以本日太陽均數變時得均數時差均數爲加者時差爲減均數減者時差爲加

假如均數一度四十五分三十秒一度變四分四十五分

變三分三十秒變二秒併之得七分零一秒

又以本日太陽黃赤經度黃經卽實行詳日躔求赤經法見後求月出入時刻條相減

餘數變時得升度時差二分後爲加二分後爲減乃以兩時差相加減爲

時差總兩時差同爲加者則相並爲總其號仍爲加同爲減者亦相併爲總其號爲減兩時差如一減者則相

減爲總加數大爲加號減數大爲減號化秒與一小時太陰平行相乘爲實以

一度化秒爲法除之

一度當作一小時一小時平行若干秒則今有之時差當得若干秒也

得數爲秒以分收之得時差行以加減太陰平行

時差總爲加者則減

爲減者則加

時分與度分加減每相反

爲用時太陰平行

用時何也凡時刻有二一爲時刻之數一爲時刻之位太陽左旋依赤道平轉閱太虛天三百六十度其數有常因其一周之運而截之爲時刻此時刻之數也隨人所居之地必有正子午圈太陽一日之軌迹必過此圈加臨于正子正午乃爲子午則亦依赤道均分之爲時刻此時刻之

位也二者同宗赤道而常有差其差之根有二一由太陽有平行實行平行者輪心實行者日體其與時刻之數相符者乃本輪心所到而日體或在其左右均數減則方位已過而時有加分均數加則方位未及而時有減分矣一由黃赤道有升度差二分後黃道斜而赤道直赤道之升度少則太陽所到之位已過而時有加分二至後黃道度大赤道度狹赤道之升度多則太陽所到之位未及而時有減分矣前所算每日子正時者乃時刻之數而日體未必正加於子之位故合兩種時差定其加減之分乃爲用時從用時至平時其間太陰必有行分故以加減子正之平行爲用時太陰平行 太陽實行惟最卑最高無時差

而時差最大者今時在二分後八日黃赤升度惟二至二分無時差而時差最大者恒在四立節故二差參差不齊必合而求其總乃爲眞時差崇禎新書日差表旣舛誤月離交食皆有加減時表又止算升度之時差不以均數時差相較皆未爲精密也

求初實行

置用時太陰平行減月孛平行

太陰平行不及減者加十二宮減之後做此

得引數

太陰距月孛度

用直角三角形以本輪半徑之半爲對直角之邊

均輪半徑二十九萬居本輪半徑之半故本輪內減去均輪半徑其餘爲本輪半徑之半

以引數爲一角求得對角之邊

半徑千萬爲一率引數正弦爲二率對直角之邊爲三率求得四率爲對角之邊 引數過象限以後用二率之法詳日躔求實行條

三因之

本輪半徑之半二十九萬合本輪均輪半徑八十七萬是三其二十九萬也故小邊無論大小皆三因之三之一爲對角之邊三之二卽均輪上倍引數度之通弦均輪右旋必倍引數其理與太陽同此邊所抵卽次輪最近點所在

又求得對餘角之邊

半徑千萬爲一率引數餘弦爲二率對直角之邊爲三率求得四率爲對餘角之邊用二率之法同上

與半徑相加減

引數九宮至二宮相減三宮至八宮相減

初宮起最高故與太陽加減異

復用直角三角形以三因數爲小邊加減半徑數爲大邊

直

在兩邊之中求得對小邊之角爲初均數

大邊爲一率小邊爲二率本天半徑爲三率求得四率爲

正切以正切線檢表得均角度言初均者對後二三均也

并求得對直角之邊爲次輪最近點距地心線

爲求次均數之用

本天半徑爲一率初均數度之正割線爲二率大邊爲三

率求得四率爲次輪最近點距地心線次輪與均輪相切最近點謂最近於均輪心

置用時太陰平行以初均數加減之

引數初宮至五宮爲減六宮後爲加

爲初

實行

初實行者次輪最近點所到之度惟定朔定望此點卽爲次均輪之心月在次均輪之底與距地心線正相直卽以初實行爲月實行非定朔定望更有二三均加減

求白道實行

置初實行減本日太陽實行得次引

卽月距日度

太陽實行求日躔時所得必用實行乃得實距後五星同

用三角形

斜三角也

以次輪最近點距地心線爲一邊

此線爲初實行之界線

倍次引之通弦

千萬爲一率次引之正弦爲二率次輪半徑爲三率求得四率倍之卽通弦

月距日一度次輪上左旋二度故用倍次引之通弦通弦者正弦之倍也

爲一邊

此邊所指卽次均輪心所到

以初均數與引數減半周之度

引數不及半周則與半周相減如過半周則減去半周

引數減半周之度卽均輪心距最卑之度

相加

初均數有加有減此與引數減半周之度恒相加何也凡
次輪最近點距地心線惟初宮六宮之初度無初均數者
其線正有初均數則線必斜其斜線之數卽初均之數試
置最近點于次均輪心借次均輪上作度初均爲加者度
在輪之左半斜線穿心至近頂分輪爲兩其左半必一百
八十度也而計度必從輪之正頂始正頂在斜線之右則
當加此數矣初均爲減者度在輪之右半斜線穿心至近
頂亦分輪之右半爲一百八十度而正頂在斜線之左則
亦當加此數矣故無論初均爲加爲減恒用加

又以次引距象限度

次引不及象限則與象限相減如過象限及過三象限則減去象限及三象限

用其餘如過二象限則減去二象限餘數仍與象限相減

次輪上爲倍離度次引一象限倍之則半周次引距象限
度猶之倍次引距半周度也次引二象限則次輪一周矣
故過二象限與不過象限同過三象限與過一象限同

加減之

初均數減者次引過象限或過三象限則相加
不過象限或過二象限則相減初均加者反是

初均數與引數減半周之度相加卽次引倍度之角故次
引適足一象限者無加減其有距象限度如初均減者次
引未及象限則相減已過象限則相加初均加者次引未
及象限則相加已過象限則相減所作角左右低昂之勢
異也假如初均數與引數減半周之度相加爲一百五十
度是初均數減則與象限相減爲六十度自六十度順數
至一百五十度皆相減過此則相加又如初均數加引數

減半周之度爲三十度亦是初均數減則與象限相減爲六十度次引六十度距象限三十度相減無餘過此仍與三十度相減滿象限而後相加又如初均數加引數減半周之度爲二百一十度減去半周餘三十度是初均數加則與象限相加爲一百二十度自一百二十度逆數至三十度皆相加過此則相減又如初均數加引數減半周之度爲三百三十度減去半周餘一百五十度亦是初均數加加一象限爲二百四十度自二百四十度逆數至一百五十度皆相加其間次引六十度距象限三十度相加適足半周過此仍相加加一象限而後相減

爲所夾之角

若相加過半周則與全周相減其餘則爲所夾之角若相加適足半周或相減無餘則無二均

數若次引爲初度或一百八十度亦無二均數

所夾之角外角也相加過半周與全周相減減其餘爲所夾之角亦外角也以外角減半周卽本角將用半外角切線求二均故卽以外角爲所夾之角次輪之角在輪周借次均輪可顯角度 相加適足半周或相減無餘者與次輪最近點距地心線正相值故無二均次引爲初度與一百八十度者定朔定望也與距線合爲一故亦無二均朔望距線穿月體無二均則無三均非朔望而線相值者不穿月體雖無二均仍有三均

求得對通弦之角爲二均數

如無初均數者以次輪心距地心線爲一邊次輪半徑爲一邊

次引倍度爲所夾之角

二均數者次均輪心所到也當用切線分外角法求之距地心線與倍次引之通弦相併爲一率相減之餘爲二率半外角切線爲三率求得四率爲半較角切線以半較角減半外角其餘爲對通弦之角 無初均者初宮與六宮之初度也次輪心距地心線以相減得之本輪半徑內減去均輪次輪兩半徑五十萬七千餘七萬三千初宮初度與半徑相減爲九百九十二萬七千次引倍度爲所夾之角亦外角也求二均亦倣前法邊總與邊較若半外角切線與半較角切線以半較角減半外角得對次輪半徑之角

隨定其加減號

以初均數與均輪心距最卑之度相加爲加減之限適足九十度則二均加減與初均同

如泛限不及九十度則與九十度相減餘數倍之爲加減限
初均減者以次引倍度初均加者以次引倍度減全周之餘
數皆與限相較並以大于限度則二均之加減與初均同小
于限度者反是。案皆與限相較下有脫文當云如泛限過
九十度則減去九十度餘數倍之爲加減限初均減者以次
引倍度減全周之餘數初均加者以次引倍度亦與限相較
泛限適足九十度者本輪三宮九宮之初也此際次輪皆
出距地心線之外三宮初均減而次輪又在其右則同爲
減九宮初均加而次輪又在其左則同爲加其他上下諸
宮距地心線皆有割入次輪之度至初宮六宮之初度割
次輪各半而止皆以此線所割之度爲限其度皆與九十
度減餘之倍數也二均與限相較而大者在距線之外故
與初均之加減同相較而小者入距線之內故減變爲加
加變爲減

并求得對角之邊爲次均輪心距地心線

二均角之正弦爲一率次引倍度之通弦爲二率夾角之
正弦爲三率求得四率爲次均輪心距地心線

又以此線及次引用三角法求得三均數

次均輪心距地心線爲一邊次均輪

半徑爲一邊次引倍度爲所夾之角求得對次均輪半徑之角爲三均數

三均數月體所值也次均輪度亦左旋與次引倍度相應
其度從輪下起所夾之角爲本角過半周者與全周相減
用其餘爲所夾之角亦本角也本角減半周爲外角亦用
切線分外角法求之邊總與邊較若半外角切線與半較
角切線以半較角減半外角其餘爲所求之三均角

隨定其加減號

次引倍度不及半周爲加過半周爲減

不及半周者月在輪左故加過半周者月在輪右故減

乃以二均數與三均數相加減爲二三均數兩均數同號則相加異號則相減

月離二三均加減表卽此數

以加減初實行

二均三均同爲加號者仍爲加同爲減號者仍爲減如一爲加號一爲減號者加數大則

加減數大則減爲白道實行

求黃道實行

用弧三角法

斜弧三角也

求得黃白大距及交均

以黃白大距中數爲一邊黃白大距半較爲一邊

求得半邊爲黃白大距並求得對半較之角爲交均

朔望黃白大距小兩弦黃白大距大其較一十九分折其中數五度八分半較則九分半也欲求每度之黃白大距有兩邊夾一角求對角之邊正法須用兩次乘除捷法以加減代一次乘除其法兩邊相加爲總弧相減爲較弧以兩弧餘弦相減折半爲初數視所夾角不過象限者用正矢過一象限者用大矢過二象限與過一象限同過三象限與不過象限同以其矢與初數相乘半徑爲法除之得對弧較弧兩矢之較以矢較加入較弧矢得對弧矢以矢減半徑爲餘弦以餘弦檢八線表得所求黃白大距前有兩邊又求得一邊因以求對半較之角是三邊求角也亦倣前法而倒用四率以黃白大距中數爲一邊求得黃白

大距爲一邊兩邊相如爲總弧相減爲較弧各以餘弦相減折半爲初數以半較對弧與較弧兩矢之較與半徑相乘初數爲法除之得所求角之矢得矢卽得餘弦因以得對半較之角其謂之交均何也兩交亦有加減均度也黃白大距中數一邊爲緯半交一邊爲經兩交點皆在經圈惟朔望兩弦二邊相合無交均角則兩交點如其平行之度過此卽有次引倍度角亦必有交均角而交點漸離其平行之處矣次引倍度滿象限卽半較亦成正線與白道經圈平行而均度最大得一度四十六分此一度四十六分卽半較九分半所成蓋半較在五度有奇之處則小在九十度處則大故也

以交均加減正交平行

次引倍度不及半周爲減過半周爲加

交行左旋減者更進而前加者則却而後也

得正交實行

交行常爲前却之行惟朔望兩弦平行卽實行

又加減六宮爲中交實行

正交移則對宮者亦移

置白道實行減正交實行得距交實行

白道實行不及減者加十二宮減之距交只論正交後以

距交查切線或距正交或距中交

以本天半徑爲一率黃白大距之餘弦爲二率距交實行之
正切爲三率求得四率爲黃道之正切

此正弧三角兩角與一邊求對餘角之邊也黃白大距爲黃白交角距交實行爲白道一邊又黃白距緯從黃極出線截白道交黃道其交必成正角又爲一角今求對餘角之黃道同升度法以兩角之正弦餘弦比兩邊之正切亦卽勾股形大弦與大句若小弦與小句也後凡求黃赤五星本道求黃皆倣此 本天半徑爲一率卽正角之正弦也後凡正弧三角用半徑者倣此

檢八線表得度分與距交實行相減餘爲升度差以加減白道實行

距交實行不過象限或過二象限爲減過象限或過三象限爲加

此與前求用時條黃赤升度時差二分後加二至後減同理距交不過象限或過二象限猶之二分後也過象限或

過三象限猶之二至後也時與度相反故彼爲加者此爲減彼爲減者此爲加

爲黃道實行

月不行黃道然求宿度求合朔弦望求交宮皆論黃道度故必先求黃道實行

求黃道緯度

以本天半徑爲一率黃白大距之正弦爲二率距交實行之正弦爲三率求得四率爲距緯之正弦檢八線表得黃道緯度

距交實行初宮至五宮爲黃道北六宮至十一宮爲黃道南

距交實行之正弦謂黃道距交度也凡正弧三角四率俱用正弦者正角有所對之角而所求之邊又有所對之角

也

求宿度

依日躔求宿度法

各宿每年加五十一秒

求得本年黃道宿鈴以黃道實行月亭正行及正交中交實行各度分視其足減宿鈴內某宿則減之餘爲各種宿度

求合朔弦望

太陰實行

謂黃道實行

與太陽實行同宮同度爲合朔限距三宮爲上弦限距六宮爲望限距九宮爲下弦限皆以太陰未及限度爲本日已過

限度爲次日求時之法以太陽本日實行與次日實行相減
又以太陰本日實行與次日實行相減兩減餘數相較爲一
率

兩減餘數相較是交限日太陰距太陽之實行也以一日
實行爲法比出距限餘分應得若干時刻

日法爲二率本日太陽實行加限度

上弦加三宮望加六宮下弦加九宮減本

日太陰實行餘爲三率

求合朔卽于本日太陽實行內減太陰實行餘爲三率

一率三率皆以度化分分下有秒約三爲五六爲十後求

交宮時刻倣此

求得四率爲距子正之分數如法收之得合朔弦望時刻

求交宮時刻

以太陰本日實行與次日實行相減

未過宮爲本日餘爲一已過宮爲次日

率日法爲二率太陰本日實行

不用宮

與三十度相減餘爲三

率求得四率爲距子正之分數如法收之得交宮時刻

求正升斜升橫升

合朔日太陰實行自子宮十五度至酉宮十五度爲正升

春分前後一宮半也

自酉宮十五度至未宮初度爲斜升

夏至前一宮半也

自未宮初度至寅宮十五度爲橫升

夏至後五宮半也

自寅宮十五度至子宮十五度爲斜升

冬至前半宮後一宮半也

求太陰出入時刻

以本日太陽黃道經度求其赤道度

以本天平徑爲一率黃赤大距之餘弦爲二率

本日太陽距春秋分黃道經度之正切爲三率求得四率爲赤道經度之正切

時刻宗赤道故必先求太陽赤道度其求法與白道求黃

道同理

又用弧三角法

斜弧三角也

以太陰距黃極爲一邊

前既求得黃道距緯度分矣距緯在北減九十度距緯在

南加九十度爲太陰距黃極度

黃赤大距爲一邊

黃赤大距與黃極距北極等北極爲心黃極爲界規一小輪大距正弦恒爲半徑此一邊卽小輪半徑度

太陰距冬至黃道經度爲所夾之外角

過半周者與全周相減用其餘

外角減半周卽本角求對邊用本角取矢銳角用正矢鈍角用大矢

求得對邊

對所夾本角之邊

爲太陰距北極度

求法兩邊相併爲總弧相減爲較弧兩弧各取餘弦相加

折半爲初數與角之矢相乘半徑千萬除之得對弧較弧
兩矢之較以矢較加較弧矢得對弧矢以矢減半徑爲餘
弦以餘弦檢表得對邊

加減九十度得赤道緯度

不及九十度者與九十度相減餘爲北緯過九十度者減去九十度

餘爲南緯

又求得近北極之角爲太陰距冬至赤道經度

前有兩邊又求得距北極一邊用三邊以求又一角爲近
北極之角其度卽太陰距冬至赤道經度求法以黃赤大
距爲一邊太陰距北極爲一邊兩邊相併爲總弧相減爲
較弧各取餘弦視總弧過象限兩餘弦相加不過象限相
減折半爲初數又以較弧矢與對邊之矢相減半徑乘之
初數爲法除之得所求角之矢矢減半徑爲餘弦檢表得

太陰距冬至赤道經度

乃以本天半徑爲一率北極高度之正切爲二率太陰赤道緯度之正切爲三率求得四率爲赤道正弦

赤道緯度正切與半徑平行赤道正弦與極高正切平行故能爲句股比例與求日出入卯酉前後赤道度同理

檢八線表得太陰出入在卯酉前後赤道度

太陰在赤道北出在卯正前入

在西正後太陰在赤道南出在卯正後入在西正前

與春秋分前後太陽出入同理

以加減

前減後加

太陰距太陽赤道度

太陰赤道經度內減去太陽赤道經度卽得不足減

者加十二宮減之

得數變時

假令距太陽九十度則變爲六小時

自卯正酉正後計之

出地自卯正後入地自酉正後

再加本時太陰行度之

時刻

約一小時行三十分變爲時之二分

月離不平行所差者微可用約數如六小時約行三度爲

時十二分

卽得太陰出入時刻

日躔月離兩篇不言求閏月者旣求得定氣定朔視無中氣之月置閏不必求也古法置閏常在歲終至漢太初秌始改用無中氣之月然猶未知定朔也自唐以來始用定朔然不用定氣則無中氣之月未必果無中氣也至我朝始兼定朔定氣以置閏而閏始真百餘年來正月與十月十一月十二月未置閏者太陽最卑近冬至此數月日

行速節氣縮與閏不相值故也

推步法解卷二終

推步法解卷三

推月食法

月食無視差較易於日食故先之

用數

朔策二十九日五三〇五九三

日月平行相會之日數也小餘與授時大統同十二小時
四十四分三秒十四微有奇

望策一十四日七六五二九六五

小餘十八小時二十二分一秒三十七微有奇

太陽平行朔策一十〇萬四千七百八十四秒三〇四三二

四半之爲望策
下三條同

二十九度六分二十四秒十八微奇 平行望策五萬二千三百九十二秒一五二一六二

太陽引數朔策一十〇萬四千七百七十九秒三五八八六五

二十九度六分十九秒奇 引數望策五萬二千三百八十九秒六七九四三二五

太陰引數朔策九萬二千九百四十〇秒二四八五九

滿周天去之得二十五度四十九分奇 引數望策當加半周六十四萬八千秒再折半凡六十九萬四千四百七十秒一二四二九五

太陰交周朔策一十一萬〇四百一十四秒〇一六五七四

滿周天去之得一宮零四十分十四秒奇 交周望策當
加半周六十四萬八千秒再折半凡七十萬三千二百零
七秒〇〇八二八七

太陽小時平行一百四十七秒八四七一〇四九

二分二十七秒奇也

太陽小時引數一百四十七秒八四〇一二七

太陰小時引數一千九百五十九秒七四七六五四二

三十二分三十九秒奇也

太陰小時交周一千九百八十四秒四〇二五四九

三十三分四秒奇也

月距日小時平行一千八百二十八秒六二二一〇八

三十分二十八秒奇也

太陽光分半徑六百三十七

地半徑設一百太陽實半徑五百零七而光體四溢更有餘分一百三十以此照地體能侵入下半而地景亦因之瘦小也

地半徑一百

設整數便於算也地圓周九萬里半徑二萬四千一百三十餘里

太陰實半徑二十七

比太陽半徑少一十九倍有奇也日月實體甚相懸而視徑略相等全徑約半度有奇月稍大於日焉最高最卑則

各有加減

太陽最高距地一千〇一十七萬九千二百〇八與地半徑之比例爲一十一萬六千二百

太陽本天半徑加本輪半徑減去均輪半徑爲太陽最高距地數其比例爲一千一百六十二地半徑高卑之中一十一萬四千一百五十四奇 本輪均輪漸小則此數亦微差

太陰最高距地一千〇一十七萬二千五百與地半徑之比例爲五千八百一十六

太陰本天半徑加本輪半徑減去均輪次均輪兩半徑爲太陰最高距地數其比例爲五十八地半徑奇也高卑之

中五千七百一十七四奇

朔應二十六日三八五二六六六

秬元天正冬至辛未是十一月初四日此從初五日壬申子正算起距十二月戊戌平朔二十六日有奇也其小餘九小時十四分四十六秒有奇

首朔太陽平行應初宮二十六度二十分四十二秒五十七

微

太陰同

首朔者秬元甲子年前十二月朔也

首朔太陽引數應初宮一十九度一十〇分二十七秒二十一微

太陽距最卑度也以減太陽平行應爲首朔最卑所在

首朔太陰引數應九宮一十八度三十四分二十六秒一十六微

太陰距月孛度也太陰平行應加十二宮以引數應減之爲首朔月孛所在

首朔太陰交周應六宮初度三十。分五十五秒一十四微太陰距正交度也太陰平行應加十二宮以交周應減之爲首朔正交所在

求天正冬至

詳日躔

求首朔

置積日

詳月離

秊元冬至次日子正至所求年冬至次日子正也

減朔應得通朔

上考往古加朔應

積日內減二十六日有奇是從秣元十二月首朔起也通

朔者未計積朔之名

以朔策除之得數加一爲積朔餘數轉減朔策爲首朔

上考往古

則除得之數卽爲積朔不用加一餘數卽爲首朔不用轉減朔策

得數者除得若干朔也加一者得數之外加一朔乃爲十

二月朔也前所除仍有不盡之日分於所加一朔內減之

卽得所求之首朔距天正冬至次日後若干日及分通計

積朔日分從秣元十二月戊戌平朔起算上考往古亦以

此朔爲根也

求太陰入食限

以積朔與太陰交周朔策相乘滿周天秒數去之餘爲積朔

太陰交周加首朔太陰交周應

上考往古則置首朔太陰交周應減積朔太陰交周

首朔太陰交周應不足減者加十二宮減之後倣此

又加太陰交周望策再以太陰交周朔策迭加十三次得逐月望太陰平交周

加十三次者十二月望至十二月望也

視某月交周入可食之限卽爲有食之月

交周自五宮十五度○六分至六宮

十四度五十四分自十一宮十五度○六分至初宮十四度五十四分皆爲可食之限

初宮五宮陰秌也六宮十一宮陽秌也皆以距交十四度

五十四分爲虛寬之限較授時十三度五分者加大

再於實交周詳之

一年入食限者有二次或三次而不皆食者有定望加減也定望在晝不算也或已入食限而日月地景半徑有減差亦不食也

求平望

以太陰入食限之月數與朔策相加入望策再加首朔日分及紀日

天正冬至加一日即紀日

天正冬至從甲子日起又加一日爲紀日何也前算積日從祿元辛未日子正起而朔應從次日壬申子正起中間差一日故於天正冬至日加一日爲紀日

滿紀法去之餘爲平望日分自初日起甲子得平望千支以日法通其小餘如法收之得時刻分秒

求太陽平行

置積朔加太陰入食限之月數與太陽平行朔策相乘滿周天秒數去之爲積朔太陽平行加首朔太陽平行應上考以古則以

積朔平行減平行應

又加太陽平行望策卽得

求太陽平引

置積朔加太陰入食限之月數與太陽引數朔策相乘滿周天秒數去之爲積朔太陽平引加首朔太陽引數應上考以古則以

積朔本引減引數應

又加太陽引數望策卽得

求太陰平引

置積朔加太陰入食限之月數與太陰引數朔策相乘滿周天秒數去之爲積朔太陰平引加首朔太陰引數應上考以古則以

積朔平引又加太陰引數望策卽得
減引數應

求太陽實引

以太陽平引依日躔法求得太陽均數以太陰平引依月離

法求得太陰初均數兩均數相加減爲距弧

兩均同號相減異號相加

平望時或未及望或已過望之弧

以小時月距日平行爲一率一小時化秒爲二率

一小時三千六百秒

距弧化秒爲三率

一分化六十秒一度化三千六百秒

求得四率爲距時秒

此以度秒求時秒也

隨定其加減號

兩均同加日大則加日小則減兩均同減日大則減日小則加兩均一加一均其加減從

日月本輪以最高最卑爲界左六宮爲加右六宮爲減兩均同加者皆在左兩減者皆在右一加一減者或日左月右或月左日右也此欲加減太陽之平引數進退皆從日又以一小時化秒爲一率太陽小時引數爲二率距時化秒爲三率求得四率爲秒

此以時秒求度秒也

以度分收之爲太陽引弧

依距時加減號

以加減太陽平引得實引

爲求日實均之用

求太陰實引

以一小時化秒爲一率太陰小時引數爲二率距時化秒爲三率

卽上條距時也

求得四率爲秒以度分收之爲太陰引弧

依距時加減號

以加減太

陰平引得實引

爲求月實均之用

求實望

以太陽實引復求太陽均數爲日實均

如日躔求實行之法用直角三角形兩次求之其小直角

用實引爲一角

并求得太陽距地心線

直角三角形對直
角之邊詳日躔

此大直角三角形也既求得直角之句與股其斜弦爲太陽距地心線法用本天半徑爲一率實均數度之正割線爲二率大邊爲三率求得四率爲太陽距地心線此線爲後求地影半徑之用

以太陰實引復求太陰初均數爲月實均

如月離求初實行之法用直角三角形兩次求之其小直角用實引爲一角朔望求得初均卽得太陰實行故不復求二三均

并求得太陰距地心線

詳月離

此謂次均輪心距地心非謂月之實體也求法已解于月離求初實行條朔望時月與次均輪心同一直線上故亦

可謂之太陰距地此線爲後求太陰半徑之用

兩均相加減爲實距弧

與距弧同

亦兩均同號相減異號相加

依前求距時法求得四率爲秒以時分收之爲實距時置平

望以實距時加減之

加減法與距時同

得實望

加滿二十四時則實望進一日不足減者

借一日作二十四時減之則實望退一日

進一日爲次日退一日者子正前爲昨日

求實交周

以一小時化秒爲一率太陰小時交周爲二率實距時化秒

爲三率求得四率爲秒以度分收之爲交周距弧以加減平

交周

依實距時加減號

又以月實均加減之爲實交周

以交周距弧加減平交周者從平望至實望月距交進退之度也而月實均爲月之實行故又以實均依其加減號加減之爲實望時月距正交或中交之度

視實交周入必食限爲有食

實交周自五宮十七度四十三分。五秒至六宮十二度十六

分五十五秒自十一宮十七度四十三分。五秒至初宮十二度十六分五十五秒爲必食之限不入此限者不必算

中交正交陰秣陽秣皆以距交十二度十六分五十五分爲必食之限此以地影及月兩半徑之最大者算其所當之度如是也地影必在日之衝隨人所居影卽因之高下無地面地心之視差故月食不論陰陽食分九服皆同

求太陽黃赤實經度

以一小時化秒爲一率太陽小時平行爲二率實距時化秒

爲三率求得四率爲秒以度分收之爲太陽距弧

依實距時加減號

以加減太陽平行又以日實均加減之爲黃道經度

以太陽距弧加減太陽平行者從平望至實望日進退之
平度也而日實均爲實行故又以實均加減之爲實望時
日距冬至之經度

卽求得赤道經度

法詳月離求太陰出入時刻條

以本天半徑比黃赤大距之餘弦若太陽距春秋分黃道
經度之正切與赤道經度之正切也春分後黃道經度內
減三宮爲距春分黃道經度秋分後減九宮春分前加三
宮爲距秋分黃道經度

求實望用時

以日實均變時爲均數時差以升度差

黃赤經度相減

變時爲升度

時差兩時差相加減爲時差總

加減之法詳月離求太陰用時條

以加減實

望爲實望用時

距日出後日入前九刻以內者可以見食九刻以外者全在晝卽不必算

可見食者帶食也

求食甚時刻

以本天半徑爲一率黃白大距之餘弦爲二率

黃白大距之餘弦九九六二二

實交周之正切爲三率求得四率爲正切

與月離求黃道實行條同亦猶日躔黃求赤也

查八線表得食甚交周與實交周相減爲交周升度差

實交周者白道上月距交之度食甚交周者黃道上距交

之度也黃與白有升度差猶赤與黃有升度差也

又以太陰小時引數與太陰實引相加依月離求初均法算

之爲後均以後均與月實均相加減兩均同號相加減異號相減得數又與

小時月平行相加減兩均同加後均大則加小則減兩均同減後均大則減小則加兩均一加一減

其加減從後均爲月距日實行

此於食甚之後設一小時算其月距日行分若干以爲升度差當得若干時分之比例也此一小時月距日實行又爲後初虧復圓時刻之用

乃以月距日實行化秒爲一率

度分之秒

一小時化秒爲二率

時分之秒

升度差化秒爲三率

度分之秒

求得四率爲秒

時分之秒

以分收之得食甚距時以加減實望用時

實交周初宮六宮爲減五宮十一宮

加爲

實交周初宮六宮月已過交宜減時分差早五宮十一宮

月末至交宜加時分差晚

爲食甚時刻

既得實望用時復求食甚時刻者白道黃道有升度差則

時刻亦小異也

求食甚距緯

以本天半徑爲一率黃白大距之正弦爲二率

黃白大距四度五十八分三十秒正弦八六七三

實交周之正弦爲三率求得四率爲正弦

此以大股大句比小股小句也

查八線表得食甚距緯

實交周初宮五宮爲北六宮十一宮爲南

距交十二度十六分五十五秒以內所當二道之濶也遠

交緯大近交緯小如正當其交則無距緯月心與地影心

合爲一

求太陰半徑

以太陰最高距地爲一率地半徑比例數爲二率太陰距地

心線

求月實均時所得

內減去次均輪半徑爲三率求得四率爲太

陰距地

此以最高時月距地半徑有奇

案此上有脫文當云最高時月距地五十八地半

徑有奇

求其漸卑之距地也前所求太陰距地心線者次均

輪心距地心線也定朔望時月體在次均輪之底故須減

去次均輪半徑二十一萬七千五百乃爲月實體所在

又以太陰距地爲一率太陰實半徑爲二率本天半徑爲三

率求得四率爲正切查八線表得太陰半徑

太陰視半徑舊表最小者一十五分一十五秒最大者一

十七分二十秒

求地影半徑

以太陽最高距地爲一率地半徑比例數爲二率太陽距地

心線

求日實均時所得

爲三率求得四率爲太陽距地

此以最高時日距地一千一百六十二地半徑求其漸卑之距地也

又以太陽光分半徑減地半徑所餘爲一率太陽距地爲二率地半徑爲三率求得四率爲地影之長

太陽光分半徑大於地半徑五倍有奇地影漸遠漸小成角形自日心至地影之盡處爲大股光分半徑爲大句又於大句股中分爲兩句股光分半徑減地半徑所餘次大句也太陽距地次大股也地半徑小句也地影長小股也

又以地影長爲一率地半徑爲二率本天半徑爲三率求得四率爲正切檢八線表得地影角

地影之角度引影線至本天滿半徑其度在本天之弧又以本天半徑爲一率地影角之正切爲二率地影長減太陰距地之餘爲三率求得四率爲太陰所當地影之闊大股比大句若小股與小句也

乃以太陰距地爲一率地影之闊爲二率本天半徑爲三率求得四率爲正切檢八線表得地影半徑

舊表地影半徑最小者四十三分最大者四十七分

求食分

太陰全徑爲一率十分爲二率太陰半徑與地影半徑相併

爲併徑

舊表併徑最小者五十八分一十五秒最大者一度四分

二十秒

內減食甚距緯

併徑不足減距緯卽不食

距緯大于併徑不食與併徑等亦不食

餘爲三率求得四率卽食分

地影半徑內減太陰半徑其餘距緯與之等自此以上皆能食旣

求初虧復圓時刻

以食甚距緯之餘弦爲一率併徑之餘弦爲二率半徑千萬爲三率求得四率爲餘弦檢八線表得初虧復圓距弧

初虧至食甚食甚至復圓其距弧等正弦縱餘弦橫月食至地影中橫過故以餘弦半徑爲比例八線之理正弦餘弦相爲消長正弦大者餘弦小正弦小者餘弦大極而至於無正弦則餘弦與半徑等假令食甚正當交點無距緯則一率與三率皆半徑而二率四率之餘弦必等餘弦等正弦亦等以併徑之正弦爲半徑規一小圓於本天大圓之中地影包其內是距弧正弦與半徑等月食必從影之正右橫過且穿其心又設距緯與併徑等則一率與二率之餘弦等三率與四率皆半徑則小圓之半徑盡無距弧月從影之上下相切而過不食矣其他有距緯未至等於併徑者三率半徑必稍大於一率則四率之餘弦亦必稍

大於二率餘弦大者正弦小距弧

案此下有脫文當云距弧正弦亦必小於半

徑月從影之偏右橫過不穿心矣

又以月距日實行化秒爲一率

前求食甚時刻所得

小時化秒爲二率初虧復圓距弧化秒爲三率求得四率爲秒以時分收之爲初虧復圓距時以加減食甚時刻得初虧復圓時刻

減得初虧
加得復圓

求食既生光時刻

食甚距緯之餘弦爲一率地影太陰兩半徑較

相減之餘也

之餘弦爲二率半徑千萬爲三率求得四率爲餘弦檢八線

表得食既生光距弧又以月距日實行化秒爲一率小時化秒爲二率食既生光距弧化秒爲三率求得四率爲秒以時分收之爲食既生光距時以加減食甚時刻得食既生光時刻減得食既加得生光

求食限總時

以初虧復圓距時倍之卽食限總時

求太陰黃道經緯度

置太陽黃道經度加減六宮

過六宮則減去六宮不及六宮則加六宮

月在日之對衝故加減六宮

再加減食甚距弧

食甚距時之弧也以一小時化秒爲一率月距日實行化

秒爲二率食甚距時化秒爲三率求得四率爲秒以度分收之爲食甚距弧其加減依食甚距時

又加減黃白升度差

求升度差法詳月離求黃道實行條

得太陰黃道經度卽

求緯度

詳月離

前已求食甚距緯矣

求太陰赤道經緯度

詳月離求太陰出入時刻條

本天半徑爲一率黃赤大距之餘弦爲二率太陰距春秋分黃道經度之正切爲三率求得四率爲赤道經度之正切赤緯後無所用如欲求之依弧三角兩邊夾一角求對邊之法

求宿度

求得本年黃赤道宿鈴

求黃道宿鈴法詳日躔有黃道經緯度即可求赤道經緯度與太陰求赤

道法同

求宿赤道經度用弧三角法以本宿黃道緯度南則加九十度北則減九十度爲距黃極之一邊黃赤大距爲一邊本宿距冬至黃道經度爲所夾之外角過半周者與全周相減用其餘依太陰求赤道緯度法求得對角之邊爲宿距北極度不及九十度者減去九十度餘爲南緯

○案此
文當云不及九十度者與九十度相減餘爲南緯
北緯過九十度者減去九十度餘爲南緯

上有脫
宿有數星所

求者距星也

以太陰黃赤道經度各如法減之

詳日躔

即得太陰黃赤道宿

度

求黃道地平交角

此下二條皆爲求定交角以辨初虧復圓方向也

以食甚時刻

從子正起

變赤道度

每時之四分變作一度每時之一分變度之十五分

又於太陽赤道經度內

減三宮

不及減者加十二宮減之

經度起冬至故減三宮爲春分不及減者在春分前也

餘爲太陽距春分赤道度兩數相加

滿全周去之

爲春分距子正

赤道度加減半周得春分距午正東西赤道度

過半周者減半周爲午正

西不及半周者與半周相減爲午正東

春分距午正東西度過象限者與半周

相減餘爲秋分距午正東西度

秋分距午東西與春分相反

以春秋分距

午正東西度與九十度相減

午正赤道距地平九十度故也

餘爲春秋分距地平赤道度乃用爲弧三角形之一邊

斜弧三角也地平截赤道黃道不能成直角故爲斜弧三角

以黃赤大距度

卽春秋分之角度

及赤道地平交角

以極高減象限得之春秋分午西秋分午東者用此若春分午東秋分午西者則以此

度與半周相減用其餘

赤道去天頂與極高同故以極高減象限卽得赤道地平交角如京師極高四十度則交角五十度凡角度必兩邊

皆滿九十度乃見對角之弧度午正赤道距地平地平正
東正西距午正皆九十度故赤道地平交角其度在子午
圈黃道地平交角亦同理赤道交角必向黃道春分午西
秋分午東者赤道包黃道得用其本角以向黃道春分午
東秋分午西者黃道包赤道故赤道用其外角以向黃道
也本角銳外角鈍鈍角之正弦餘弦卽銳角之正弦餘弦
但銳角之矢爲正矢鈍角之矢爲大矢大矢者半徑加餘
弦也

爲邊傍之兩角

兩角夾一邊也

求得對邊之角爲黃道地平交角

春分午東秋分午西者得數卽爲黃道地平交角如

春分午西秋分午東者則以得數
與半周相減餘爲黃道地平交角

卽黃道九十度限距地高也皆用形外垂弧法求之形外
垂弧者從天頂出線過春秋分角至地平成直角以爲用
半徑比例也春分午東秋分午西者赤角鈍而黃角銳作
垂弧於近赤道邊以本天半徑爲一率赤道地平交角之
正弦爲二率春秋分距地平赤道度之正弦爲三率求得
四率爲正弦檢表得度爲垂弧又以春秋分距地平赤道
度之餘弦爲一率本天半徑爲二率赤道地平交角之餘
切爲三率求得四率爲正切檢表得虛角以春秋分角併
虛角爲總角又以本天半徑爲一率總角之正弦爲二率
垂弧之餘弦爲三率求得四率檢表得度爲黃道地平交

角春分午西秋分午東者赤角銳而黃角鈍作垂弧於近黃道邊亦以本天半徑爲一率赤道地平交角之正弦爲二率春秋分距地平赤道度之正弦爲三率求得四率爲正弦檢表得垂弧又以春秋分距地平赤道度之餘弦爲一率本天半徑爲二率赤道地平交角之餘切爲三率求得四率爲正切檢表得總角于總角內減春秋分角餘爲虛角又以本天半徑爲一率虛角之正弦爲二率垂弧之餘弦爲三率求得四率爲餘弦檢表得黃道地平交角之外角以外角與半周相減餘爲黃道地平交角。右法皆三求而後得角若用次形法則易邊爲角易角爲邊可用加減捷法求之春秋分角度爲一邊赤道地平交角度爲

一邊春秋分距地平赤道度爲所夾之角兩邊相併爲總弧相減爲存弧各取餘弦視總弧過象限兩餘弦相加不過象限相減折半爲初數以半徑爲一率角之矢爲二率初數爲三率求得四率爲對弧存弧兩矢較以矢較加入存弧矢爲對弧矢得正矢與半徑相減得大矢於矢內減半徑爲餘弦以餘弦檢表得對弧易弧爲角視得正矢爲銳角得大矢爲鈍角此法較捷

求黃道高弧交角

以黃道地平交角之正弦爲一率赤道地平交角之正弦爲二率春秋分距地平赤道度之正弦爲三率求得四率爲正弦檢表得春秋分距地平黃道度

黃道地平交角對春秋分距地平赤道一邊赤道地平交角對春秋分距地平黃道一邊此亦斜弧三角角有所對之邊又一角對所求之邊則皆用正弦比例

又以太陰黃道經度視

春秋分

分在地平上者與

三宮

相減餘爲

太陰距

春秋分

黃道度

爲春秋分宮度

大於太陰宮度爲距春秋分前反此則在後

又以太陰

距春秋分黃道度與春秋分距地平黃道度相加減爲太陰

距地平黃道度

春秋分在午正西者太陰在分後則加在分前則減春秋分在午正東反是

食甚時太陰所當黃道度卽地影之心太陰距地平黃道

度卽影心距地平黃道度也

隨視其距限之東西

春秋分在午西者太陰距地平黃道度不及九十度爲限西過九十度爲限東

春秋分在午東者反是

乃以太陰距地平黃道度之餘弦爲一率本天

半徑爲二率黃道地平交角之餘切爲三率求得四率爲正切檢表得黃道高弧交角

從天頂出線過影心至地平與黃道成交角此角對下兩角間之地平弧弧度未得不能用正弦法當如此求之猶前求虛角總角之法也此交角于地影上作之大圓之角度卽影邊之角度食在限東者角在左偏下限西者角在右偏下

求初虧復圓定交角

置食甚交周以初虧復圓距弧加減之得初虧復圓交周

得減

初虧加得復圓

乃以本天半徑爲一率黃白大距之正弦爲二率初

虧復圓交周之正弦各爲三率各求得四率爲正弦

亦如求食甚距緯之法

檢表得初虧復圓距緯

交周初宮五宮爲緯北六宮十一宮爲緯南

又以併徑之

正弦爲一率初虧復圓距緯正弦各爲二率半徑千萬爲三率求得四率爲正弦

併徑對直角距緯對緯差角故皆以正弦比例

檢表得初虧復圓緯差角各與黃道高弧交角相加減爲初

虧復圓定交角

太陰在限東初虧緯南則加緯北則減太陰在限西初虧緯南則減緯北則加復圓加減

反是

影上所作之交角限東在左下限西在右下而月入影皆從右出影皆從左其以緯差角加減交角也限東視其右上之對角初虧緯南白道在下則對角加大緯北白道在

上則對角減小矣限西視其右下之本角初虧緯南白道在下本角減小緯北白道在上本角加大復圓相反倣此可知

若初虧復圓無緯差角

正當交點也

卽以黃道高弧交角爲定交角

求初虧復圓方向

食在限東者初虧復圓定交角在四十五度以內初虧下偏左復圓上偏右四十五度以外初虧左偏下復圓右偏上適足九十度初虧正左復圓正右過九十度初虧左偏上復圓右偏下食在限西者初虧復圓定交角在四十五度以內初

虧上偏左復圓下偏右四十五度以外初虧左偏上復圓右偏下適足九十度初虧正左復圓正右過九十度初虧左偏下復圓右偏上

近地不則交角小近限則交角大正當限適足九十度有過之者因緯南緯北有加也月體不可分東西而可分左右其偏正上下分爲八向皆視定交角度也

求帶食

以本日日出或日入時分

初虧或食甚在日出前者爲帶食出地食甚或復圓在日入後者爲

帶食人地帶食出地者用日出入分

與食甚時分相減餘爲帶食距

時以小時化秒爲一率小時月距日實行化秒爲二率帶食

距時化秒爲三率求得四率爲秒以度分收之爲帶食距弧

地平距食甚之弧也日出帶食在西者初虧未食甚食甚點在地平上食甚未復圓食甚點在地平下日入帶食在東者初虧未食甚食甚點在地平下食甚未復圓食甚點在地平上

又以半徑千萬爲一率帶食距弧之餘弦爲二率食甚距緯之餘弦爲三率求得四率爲餘弦檢表得帶食兩心相距之弧

月心與影心相距也正當食甚時距緯卽兩心相距因帶食有距弧或初虧未至食甚或食甚未至復圓則兩心相距必大於食甚距緯別成斜弧帶食距弧與距緯相交成直角直角與兩心相距弧對求法當以一半徑三餘弦爲

比例

乃以太陰全徑爲一率十分爲二率併徑內減帶食兩心相距餘爲三率求得四率爲帶食分秒

求各省月食時刻

以京師月食時刻按各省東西偏度加減之

與推各省節氣時刻法同

月食分秒無異惟時刻西早而東晚

求各省月食方向

以各省赤道高度及各省時刻如法推之

先以各省偏度加減食甚時乃依求黃道地平交角以下四條推之

推步法解卷三終

推步法解卷四

推日食法

用數

太陽實半徑五百〇七

餘詳月食

地半徑設一百太陽半徑大於地半徑五倍零七故爲五百零七

求天正冬至

詳日躔

求首朔

詳月食

求太陽入食限

與月食求逐月望平交周之法同惟不用望策卽爲逐月朔平交周視某月交周入可食之限卽爲有食之月

交周自五宮九度〇

八分至六宮八度五十一分又自十一宮二十一度
○九分至初宮二十度五十二分皆爲可食之限

陰秌二十度五十二分陽秌八度五十一分此虛寬可食
之限日食限陰秌度多陽秌度少由人在地面視月有視
差月不當天頂則視之恒降而下初宮五宮月在黃道北
去交尙遠實度本不食視度減之則見食六宮十一宮月
在黃道南去交近實度本當食視度加之反不見食矣後
推三差詳之

求平朔

與月食求平望之法同惟不加望策後三條同

求太陽平行

求太陽平引

求太陰平引

求太陽實引

求太陰實引

求實朔

求實交周

以上四條皆與月食法同惟食限不同

實交周自五宮十一度四十五分至六宮

六度十四分又自十一宮二十三度四十六分至初宮十八度十五分爲的食限實交周入此限者爲有食不入限者不必布算然亦有入限而不食者因三差故也後詳之

陰秣十八度十五分陽秣六度十四分爲的食限

求太陽黃赤實經度

與月食法同
下二條倣此

求實朔用時

實朔用時在日出前或日入後五刻以內可以見食五刻以外全在夜不必布算

五刻以內可見帶食

求食甚用時

與月食求食甚時刻法同

按月食無視差故以食甚距時加減實望用時卽得食甚時刻若日食則視差多端其時刻因之進退故復有近時定時之求此則只名用時也此後則因用時求視差以推定時

求用時春秋分距午赤道度

以太陽赤道經度減三宮

不足減者加十二宮減之

爲太陽距春分後赤

道度又以食甚用時變爲赤道度加減半周

過半周者減去半周不及半周

者加半周

過半周者午正後不及半周者午正前

爲太陽距午正赤道度兩數相加

滿全周去之

其數不過象限者

爲春分距午西赤道度過一象限者與半周相減餘爲秋分距午東赤道度過二象限者則減去二象限餘爲秋分距午西赤道度過三象限者與全周相減餘爲春分距午東赤道度

如用時爲已正赤道度一百五十度加半周一百八十度爲三百三十度假令太陽距春分二十度相加三百五十度是過三象限與全周相減餘十度爲春分距午東赤道度如太陽距春分四十度相加三百七十度滿全周去之餘十度是不過象限爲春分距午西赤道度過一象限過

二象限倣此

求用時春秋分距午黃道度

以黃赤大距之餘弦爲一率

黃赤大距之餘弦九一七一二

本天半徑爲二率用時春秋分距午赤道度之正切爲三率求得四率爲正切檢表得用時春秋分距午黃道度

此卽月離太陰出入時刻條黃求赤之法反用之也八線之理餘弦與半徑若半徑與正割如欲用半徑爲法以省除則以本天半徑爲一率黃赤大距之正割一〇九〇三七爲二率

求用時午位黃赤距緯

以本天半徑爲一率黃赤大距之正弦爲二率

黃赤大距之正弦三九八六二

用時春秋分距午黃道度之正弦爲三率求得四率爲正弦
檢表得用時午位黃赤距緯

此以大股大句比小股小句也

求用時黃道與子午圈交角

以用時春秋分距午黃道度之正弦爲一率本天半徑爲二
率用時春秋分距午赤道度之正弦爲三率求得四率爲正
弦檢表得用時黃道與子午圈交角

午圈交赤道成直角則有半徑正弦與黃道弧對而赤道
弧則對黃道午圈交角者也故皆以正弦比例如欲易半

徑爲一率以省除則以春秋分距午黃道度之餘割爲二率

求用時午位黃道宮度

置用時春秋分距午黃道度視春分在午西者加三宮秋分在午西者加九宮春分在午東者與三宮相減秋分在午東者與九宮相減得用時午位黃道宮度

午位黃道宮度從冬至初宮起故如此加減

求用時午位黃道高弧

以用時午位黃赤距緯與赤道高弧

北極高度減象限之餘

如極高四十度與九十度相減餘五十度

相加減得用時午位黃道高弧

黃道三宮至八宮則相加九宮至二宮則相減

春分後北緯故加秋分後南緯故減

求用時黃平象限距午度分

以用時黃道與子午圈交角之餘弦爲一率本天半徑爲二率用時午位黃道高弧之正切爲三率求得四率爲正切檢表得度與九十度相減餘爲用時黃平象限距午度分

黃道在地平上恒半周其九十度限爲最高之處謂之黃平象限一日惟春秋分二點正當地平時九十度限在正午若春秋分在地平上此限或在午東或在午西日食推食分食時之差先求此限所在爲要旣求得黃道與子午圈交角爲一角午位黃道高弧爲一邊又有子午圈交地平之直角是爲兩角夾一邊求對直角之黃弧亦如前春

秋分距午黃道度之法求之如欲用半徑爲一率以省除則以黃道與子午交角之正割爲二率也求得四率爲午位黃道距地平之度與九十度相減則得限距午度分春分在地平上限在午東秋分在地平上限在午西

求用時黃平象限宮度

以用時黃平象限距午度分與用時午位黃道宮度相加減

得黃平象限宮度

午位黃道宮度初宮至五宮爲加六宮至十一宮爲減若午位黃道高弧過九十度

則反其加減

初宮至五宮春分在地平上六宮至十一宮秋分在地平上午位黃道高弧過九十度者極高二十三度半以下之方也北向視日故反其加減

求用時月距限

以太陽黃道經度與用時黃平象限宮度相減餘爲月距限

度隨視其距限之東西

太陽黃道經度大於黃平象限宮度者爲限東小者爲限西

此時未求東西差太陽黃道經度卽太陰黃道經度

求用時限距地高

以本天半徑爲一率用時黃道與子午圈交角之正弦爲二率用時午位黃道高弧之餘弦爲三率求得四率爲餘弦檢表得用時限距地高

限距地高卽黃道地平交角此以兩角夾一邊求對邊之角也午位黃道高弧卽午位黃道距天頂之餘度限距地高卽限距天頂之餘度如從天頂算之則爲半徑與黃道

子午圈交角之正弦若午位黃道距天頂之正弦與限距天頂之正弦以減象限而得限距地高此用高弧算之故用餘弦此兩餘弦卽彼兩正弦也從天頂算亦有半徑正弦者黃極出線過天頂至黃平象限成直角黃極出線至黃道無非直角他處不過天頂惟交黃平象限乃過天頂月食求黃道地平交角旣得春秋分距地平赤道度後三求可得此須委曲求之者必求黃平象限故也

求用時太陰高弧

以本天半徑爲一率用時限距地高之正弦爲二率用時月距限之餘弦爲三率求得四率爲正弦檢表得用時太陰高弧

高弧交地平爲直角與月距地平黃道度之弧對而限距地高卽黃道地平交角與所求高弧對皆以正弦比例此用月距限之餘弦卽月距地平黃道度之正弦也

求用時黃道與高弧交角

以用時月距限之正弦爲一率用時限距地高之餘切爲二率本天半徑爲三率求得四率爲正切檢表得用時黃道與高弧交角

從天頂出線交黃道經度至地平之角也有月距地平黃道度爲一邊有限距地高卽黃道地平交角又有太陰高弧交地平爲直角是以兩角與對直角之邊而求又一角法當以月距地平黃道度之餘弦爲一率此用月距限之

正弦卽月距地平黃道度之餘弦也此角作之於日體上角當日心角度在邊食在限東角在日之左下在限西角在日之右下

求用時白道與高弧交角

置用時黃道與高弧交角以黃白交角

卽朔望黃白大距度

朔望黃白大距四度五十八分三十秒近五度

加減之

交周初宮十一宮月距限東則加限西則減交周五宮六宮反是

初宮十一宮爲正交白道自南而交入於北五宮六宮爲中交白道自北而交出於南月體偏南以南爲下北爲上月距限東者交角向東南黃道西高而東下遇正交逆其勢白道昂而出於上則黃道高弧交角本小者增大約五

度矣遇中交順其勢白道愈低而下則交角愈變小減約
五度矣月距限西者交角向西南黃道東高而西下遇正
交順其勢交角愈小遇中交逆其勢交角變大此東西加
減之理也

得用時白道與高弧交角

加過九十度者限東變爲限西限西變爲限東不足減者反減之限

距地高在天頂北者白平象限變爲天頂南限
距地高在天頂南者白平象限變爲天頂北

白道高弧交角適足九十度者正當白道限處卽白平象

限也如黃道交角已有八十五度一分半加入四度五十

八分半滿九十度則無東西差若過九十度則交角改向

本在東南者變爲西南而月在限西

○案此下當脫本用減者變而加矣一句

本在西南者變爲東南而月在限東本用加者變而減矣

不足減者反減之此謂月距限甚近地平黃道交角不及四度五十八分半則置黃白距度而以黃道交角反減之黃平象限近天頂有白道之加減能變北爲南南爲北也交角與距限相因限近者交角大限遠者交角小後求東西差其關鍵在交角之餘茲旣得白道高弧交角則可不必求白平象限矣 日食加時古法以正午爲限午後先會後食時用加午前先食後會時用減正午則無加減此未明九十度限之理也九十度限黃道在地平上最高之處日月距限有遠近黃道高弧交角由此變時差多少由此生非以正午爲限也一日之間惟春秋分二點正當地平限與午圈合爲一其餘皆在午東午西距午度分多少

又視極之高下極高四十度之地限距午最多者二十四度有奇如用古法則食時近午前或在限西當加者誤減之食時近午後或在限東當用減者誤加之矣西法始以黃道九十度爲限然猶未密也日食由月掩月之視差又大當論白道之九十度限乃爲親切白平象限在黃平象限之左右朔望時黃白交角四度五十八分半卽是二限相距之度分旣以黃平象限求得黃道高弧交角乃以黃白交角加減之而得白道高弧交角以爲後求東西差之用於理爲盡於法爲最密

求太陽距地

詳月食求地影半徑條

求太陰距地

詳月食求太陰半徑條

求用時高下差

以地半徑爲一邊

地半徑一百

太陽太陰距地爲一邊用時太陰高弧與九十度相減爲所夾之角

太陰距天頂之度也太陽之地半徑差小食時日月相去甚近故求太陽地半徑差亦同用太陰之高弧雖微有高下不論也

求得對地半徑之角爲太陽太陰地半徑差

用太陽距地爲邊求得者爲太

陽地半徑差用太陰距地爲邊求得者爲太陰地半徑差

日食有東西南北差皆生於高下差高下差由於地半徑

秣所算食甚時當食幾分者地心視日月也人從地面視日月非正當天頂則有差從地心出線指日月又從地面出線指日月并地半徑線直上至人所立處爲三邊自地平以上皆爲斜平三角形求對地半徑之角有本法有捷法本法作垂線分爲兩句股形先求垂線爲小股本天半徑爲一率夾角之正弦爲二率地半徑爲三率求得四率爲垂線次及小句以本天半徑爲一率夾角之餘弦爲二率地半徑爲三率求得四率爲小句以小句減日月距地線餘爲大句乃以大句爲一率垂線爲二率本天半徑爲三率求得四率爲正切檢表得對地半徑之角捷法用切線分外角法求之以夾角減半周餘爲外角折半檢表取

正切線以地半徑與日月距線相加爲一率相減爲二率
半外角正切爲三率求得四率爲正切檢表得半較角以
半較減半外角其餘卽對地半徑之角 本欲求視日月
之差角今反求對地半徑之角何也此倒算法也凡角相
對者必等地面地心視日月之差猶從日月視地面地心
之差也

兩地半徑差相減餘爲用時高下差

日遠月近日差小近地平三分有奇月差大近地平一度
有奇兩差相減乃爲高下差

求用時東西差

以本天半徑爲一率用時白道高弧交角之餘弦爲二率用

時高下差之正切爲三率求得四率爲正切檢表得用時東西差

日月正當白平象限則高下差卽爲南北差而無東西差有距限則有東西差有南北差三差似勾股形高下差爲弦南北差爲股東西差爲句直角對高下差交角對南北差餘角對東西差直角者從白極出線過原月心至視白道成直角也交角者從天頂出線過原月心至視白道與白道交卽白道高弧交角之對角也餘角者原月心距極距頂二線相交之角也高下差在距頂線上南北差在距白極線上東西差在視白道線上如白道過天頂北者距極線先過降下之視白道而後至原白道東西差在原白

道上也餘角對東西差故以交角餘弦爲比例交角小者
餘弦大東西差多交角大者餘弦小東西差少至滿九十
度則餘弦與半徑等兩正切亦等而無東西差矣

求食甚近時

以月距日實行化秒爲一率

前求食甚用時所得見月食求食甚時刻條

小時化秒爲二率用時東西差化秒爲三率求得四率爲秒
以時分收之爲近時距分

近地平距分大者過六十分

以加減食甚用時

用時月距限西則加限東則減仍視
白道高弧交角變限不變限爲定

變限雖西亦減東亦加舊法未用白道高弧交角則有加

誤爲減減誤爲加者矣

得食甚近時 接近時已較用時爲親切矣然視差頃刻變幻其時刻猶未可定故復因近時求視差以推定時

求近時春秋分距午赤道度

以食甚近時變赤道度求之餘與前用時之法同後諸條倣此但皆用近時所當度數立算

求近時春秋分距午黃道度

求近時午位黃赤距緯

求近時黃道與子午圈交角

求近時午位黃道宮度

求近時午位黃道高弧

求近時黃平象限距午度分

求近時黃平象限宮度

求近時月距限

置太陽黃道經度加減用時東西差

依近時距分加減號

爲近時太陰

黃道經度與近時黃平象限宮度相減爲近時月距限度餘與前同

求近時限距地高

求近時太陰高弧

求近時黃道與高弧交角

求近時白道與高弧交角

求近時高下差

求近時東西差

求食甚視行

以用時東西差倍之減近時東西差餘爲視行

此爲求定時距分比例設也假令用時東西差三十分近時東西差三十一分則近時比用時多一分矣夫月距日此時三十分而多一分則由近時至定時月行三十分又必多一分并前爲二分其數恒倍故於用時東西差先倍之然後減之而以其餘爲視行如用時東西差三十分倍之六十分減去近時三十一分餘二十九分爲視行如近時差分少於用時差分亦倍而減之而視行大於用時差分

求食甚定時

以視行化秒爲一率近時距分化秒爲二率用時東西差化秒爲三率求得四率爲秒以時分收之爲定時距分

視行化秒與用時東西差化秒相較之差猶近時距分與定時距分相較之差也

以加減食甚用時得食甚定時

加減與近時距分同

加減法見前求食甚近時條

按食甚時刻須求時差而定則食分之深淺亦必因視差而變故復因定時求視差以定食分

求定時春秋分距午赤道度

以食甚定時變赤道度求之餘與用時之法同後諸條倣此

但皆用定時所當度數立算

求定時春秋分距午黃道度

求定時午位黃赤距緯

求定時黃道與子午圈交角

求定時午位黃道宮度

求定時午位黃道高弧

求定時黃平象限距午度分

求定時黃平象限宮度

求定時月距限

置太陽黃道經度加減近時東西差

依定時距分加減號

爲定時太陰

黃道經度餘同前

定時太陰黃道經度與定時黃平象限宮度相減爲定時
月距限度

求定時限距地高

求定時太陰高弧

求定時黃道與高弧交角

求定時白道與高弧交角

求定時高下差

求定時東西差

求定時南北差

前未得定時不必求南北差至此然後求之以定食
分

以本天半徑爲一率定時白道高弧交角之正弦爲二率定時高下差之正弦爲三率求得四率爲正弦檢表得定時南北差

東西南北差皆因月有距限度從高下差而生其理與其形象已解見求用時東西差條凡四率皆用正弦者角與邊相對也半徑卽直角之正弦此直角對高下差白道高弧交角對南北差故如此求之

求食甚視緯

依月食求食甚距緯法推之得實緯

以本天半徑爲一率黃白大距之正弦爲二率實交周之正弦爲三率求得四率爲正弦檢表得實緯 按食甚定

時有東西差則太陰距交亦有進退而求實緯必仍用原
算之實交周正弦爲三率實交周者實朔用時太陰距交
之白道度也至以定時南北差加減之爲視緯則距交進
退之度亦在其中矣

以定時南北差加減之爲食甚視緯

白平象限在天頂南者實緯在黃道南則加而

視緯仍爲南在黃道北則減而視緯仍爲北若實緯在北而南北差大於實緯則反減而視緯變爲南白平象限在天頂北者實緯在黃道北則加而視緯仍爲北在黃道南則減而視緯仍爲南若南北差大而反減者視緯卽變南爲北

交周初宮五宮爲北六宮十一宮爲南反減者以實緯減
南北差也人在地面視月恒降而下月在天頂北則降下
於北實緯多者反少少者反多故加減相反

求太陽半徑

以太陽距地爲一率

求太陽距地見月食求地影半徑條

太陽實半徑爲二率本天半徑爲三率求得四率爲正弦檢表得太陽半徑

舊表最小者十五分最大者十五分三十秒

求太陰半徑

詳月食

求食分

以太陽全徑爲一率十分爲二率

分太陽全徑爲十分但以直徑線上截之未論圓容之積也月食亦然

太陽太陰兩半徑併內減食甚視緯餘爲三率求得四率卽

食分

一分又分六十秒視緯之餘亦當化分爲秒求得四率以分收之其餘爲秒

求初虧復圓用時

以食甚視緯之餘弦爲一率併徑

太陽太陰兩半徑併

之餘弦爲二率

半徑千萬爲三率求得四率爲餘弦檢表得初虧復圓距弧初虧至食甚之弧食甚至復圓之弧也用餘弦之理解見

月食

又以月距日實行化秒爲一率小時化秒爲二率初虧復圓距弧化秒爲三率求得四率爲秒以時分收之爲初虧復圓距時以加減食甚定時得初虧復圓用時

減得初虧加得復圓

求初虧春秋分距午赤道度

以初虧用時變赤道度求之餘如前法後諸條倣此但皆用初虧所當度數立算

求初虧春秋分距午黃道度

求初虧午位黃赤道緯

求初虧黃道與子午圈交角

求初虧午位黃道宮度

求初虧午位黃道高弧

求初虧黃平象限距午度分

求初虧黃平象限宮度

求初虧月距限

置太陽黃道經度減初虧復圓距弧又加減定時東西差

依定

時距分得初虧太陰黃道經度餘同前

太陰黃道經度大於黃平象限者爲限東小者爲限西

求初虧限距地高

求初虧太陰高弧

求初虧黃道與高弧交角

求初虧白道與高弧交角

求初虧高下差

求初虧東西差

求初虧南北差

求初虧視行

以初虧東西差與定時東西差相減併

初虧食甚同限則減初虧限東食甚限西

併則

食近限則有變限日月左旋故初虧限東食甚限西復圓
倣此

爲差分以加減初虧復圓距弧爲視行

相減爲差分者食在限東初虧東西差大

則減小則加食在限西反是相併爲差分者恒減

初虧視食甚却而西其加減宜如此

求初虧定時

以初虧視行化秒爲一率初虧復圓距時化秒爲二率初虧
復圓距弧化秒爲三率求得四率爲秒以時分收之爲初虧
距分

有餘爲秒

以減食甚定時得初虧定時

初虧復圓用時已近密矣而視差頃刻有變故復以兩東西差求定時爲最密

求復圓春秋分距午赤道度

以復圓用時變赤道度求之餘如前法後諸條倣此但皆用復圓所當度數立算

求復圓春秋分距午黃道度

求復圓午位黃赤距緯

求復圓黃道與子午圈交角

求復圓午位黃道宮度

求復圓午位黃道高弧

求復圓午位黃平象限度分

求復圓黃平象限宮度

求復圓月距限

置太陽黃道經度加初虧復圓距弧又加定時東西差依定時距

分加減號

得復圓太陰黃道經度餘同前

求復圓限距地高

求復圓太陰高弧

求復圓黃道與高弧交角

求復圓白道與高弧交角

求復圓高下差

求復圓東西差

求復圓南北差

求復圓視行

以復圓東西差與定時東西差相減併爲差分

復圓食甚同限則減食甚

限東復圓限西則併

以加減初虧復圓距弧爲視行

相減爲差分者食在限東復圓東西

差大則加小則減食在限西反是相併爲差分者則恒減

復圓視食甚進而東則加減宜如此

求復圓定時

以復圓視行化秒爲一率初虧復圓距時化秒爲二率初虧復圓距弧化秒爲三率求得四率爲秒以時分收之爲復圓距分以加食甚定時得復圓定時

求食限總時

以初虧距時與復圓距時相併卽得食限總時

求太陽黃赤宿度

與月食同

求初虧復圓定交角

求得初虧復圓各視緯

與食甚法同

置食甚交周以初虧復圓距弧加減之得初虧復圓交周
乃以本天半徑爲一率黃白大距之正弦爲二率初虧復
圓交周之正弦各爲三率各求得四率爲正弦檢表得初
虧復圓實緯各以初虧復圓南北差加減之爲視緯加減
法詳食甚視緯 實交周加減升度差卽爲食甚交周求
法見月食食甚時刻條此用食甚交周者初虧復圓距弧

皆黃道上度分故也

以求緯差角

太陽太陰兩半徑之正弦爲一率初虧復圓視緯之正弦
各爲二率半徑千萬爲三率求得四率爲正弦檢表得初
虧復圓緯差角

各與黃道高弧交角相加減爲初虧及復圓之定交角法與
月食同

太陽體上作十字交角限東在左下限西在右下而月虧
日皆從右復圓皆從左其以緯差角加減交角也限東視
其右上之對角初虧緯南白道在下對角加大緯北白道
在上對角減小限西視其右下之本角初虧緯南白道在

下本角減小緯北白道在上本角加大復圓加減反此

求初虧復圓方向

食在限東者初虧復圓定交角在四十五度以內初虧上偏右復圓下偏左四十五度以外初虧右偏上復圓左偏下適足九十度初虧正右復圓正左過九十度初虧右偏下復圓左偏上食在限西者初虧復圓定交角在四十五度以內初虧下偏右復圓上偏左四十五度以外初虧右偏下復圓左偏上適足九十度初虧正右復圓正左過九十度初虧右偏上復圓左偏下

京師北極高四十度黃平象限在天頂南故其方向如此若北極高二十三度以下黃平象限有時在天頂北則方向與此相反

日體不可分東西而可分左右其方向與月食相反

求帶食

以初虧復圓距時化秒爲一率初虧復圓視行化秒爲二率

帶食在食甚前用初虧視行帶食距時以食甚定時如帶食在食甚後用復圓視行月食法求之

初虧或食甚在日出前者爲帶食出地食甚或復圓在日
入後者爲帶食入地帶食出地者用本日日出時分帶食
入地者用本日日入時分與食甚時分相減餘爲帶食距
時

化秒爲三率求得四率爲秒以度分收之爲帶食距弧

地平距食甚之弧也帶食出地者初虧未食甚食甚點在
地平下食甚未復圓食甚點在地平上帶食入地者初虧
未食甚食甚點在地平上食甚未復圓食甚點在地平下

又以半徑千萬爲一率帶食距弧之餘弦爲二率食甚視緯之餘弦爲三率求得四率爲餘弦檢表得帶食兩心相距正當地平時日月兩心相距也食甚時視緯卽兩心相距因帶食有距弧則兩心相距必大於視緯別成斜弧帶食距弧與視緯相交成直角而兩心相距之弧與直角對求法當以一半徑三餘弦爲比例也

乃以太陽全徑爲一率十分爲二率併徑內減帶食兩心相距餘爲三率求得四率爲帶食分秒

求帶食論本法當如此而日月近地平恒有青蒙氣掩映蒙氣能升卑爲高日未出地或已入地而猶在地平上又能展小爲大如此則加時早晚食分多少有與原算不合

者矣不必帶食卽正食時近地平在蒙氣內者亦然蒙氣高卑厚薄各隨其方須積候之久以意消息又或隨日隨時有游氣謂之本氣雖近天頂亦然故日食三差之外猶有三差一曰青蒙氣差一曰青蒙徑差一曰本氣徑差此非法所能御故不論也月食亦然

求各省日食時刻及分

以京師食甚用時按各省東西偏度加減之得各省食甚用時

偏東一度遲時之四分偏西一度早時之四分

乃按各省北極高度如法推近時定時食分及初虧復圓定時卽得

推算止及各省治綱論之各府州縣亦不同也

求各省日食方向

以各省黃道高弧交角及初虧復圓視緯如法求之卽得

推步法解卷四終

推步法解卷五

推木火土三星法

土星用數

土星每日平行一百二十〇秒六〇二二五五一

土星距地最遠行最遲算土木火三星平行之法用前後
兩測取其距恒星之度分等距太陽之遠近左右亦等乃
計其前後相距中積若干時日及星行滿次輪若干周卽
可得其平行之率新法算書載古測定二萬一千五百五
十一日又十分日之三土星行次輪五十七周置中積日
分爲實星行次輪周數五十七爲法除之得周率三百七
十八日零一百分日之九分二九八二乃以每周三百六

十度爲實周率三百七十八日零爲法除之得五十七分
零七秒四十三微四十一纖四十四忽三十三芒爲每日
土星距太陽之行與每日太陽平行五十九分零八秒一
十九微四十九纖五十一忽三十九芒相減餘二分零三
十六微零八纖零七忽零六芒爲每日土星平行經度凡
星平行者本輪心平行於本天也

最高每日平行十分秒之二又一九五八〇三

諸星皆有本輪卽有最高最高卽有行度猶太陽之最卑
行太陰之月孛行也其行右旋

正交每日平行十分秒之一又一四六七二八

諸星各有本道與黃道交正交者自南而交入於北也交

行右旋

本天半徑一千萬

各本天大小極不等半徑恒設一千萬者整數便算也欲得其距地之數以太陽距地高卑之中數與次輪半徑較而可知如太陽距地一千一百四十一地半徑而土星次輪一百零四萬有奇則本天半徑比太陽本天半徑約大十倍弱也木火本天倣此

本輪半徑八十六萬五千五百八十七
均輪半徑二十九萬六千四百一十三

本輪之心在本天均輪之心在本輪本輪左旋均輪右旋
均輪半徑比本輪半徑三之一而稍強

次輪半徑一百〇四萬二千六百

次輪所以載星而右旋其頂合日其底衝日其心在均輪
上次輪原與太陽本天等大因星之本天甚大故其半徑
僅當本天半徑十之一有奇

本道與黃道交角二度三十一分

猶黃道與赤道白道與黃道有距度也諸交角倣此

土星平行應七宮二十三度十九分四十四秒五十五微

秣元天正冬至次日壬申子正時土星平行宮度也諸應
倣此

最高應十一宮二十八度二十六分〇六秒〇五微

正交應六宮二十一度二十〇分五十七秒二十四微

木星用數

木星每日平行二百九十九秒二八五二九六八

測木星平行之法亦用前後兩測與土星同新法算書載
古測定二萬五千九百二十七日又千分日之六百一十
七木星行次輪六十五周置中積日分爲實星行次輪周
數六十五爲法除之得周率三百九十八日零十分日之
八分八六四一五乃以每周三百六十度爲實周率三百
九十八日零爲法除之得五十四分零九秒零二微四十
二纖四十七忽三十二芒爲每日木星距太陽之行與每
日太陽平行相減餘四分五十九秒一十七微零七纖零
四忽零七芒爲每日木星平行經度

最高每日平行十分秒之一又五八四三三

正交每日平行百分秒之三又七二三五五七

本天半徑一千萬

本輪半徑七十○萬五千三百二十

均輪半徑二十四萬七千九百八十

均輪半徑比本輪半徑三之一而強

次輪半徑一百九十二萬九千四百八十

次輪亦與太陽本天等大半徑比本天半徑五之一而弱

本道與黃道交角一度一十九分四十秒

木星平行應八宮○九度一十三分一十三秒一十一微

最高應九宮○九度五十一分五十九秒二十七微

正交應六宮。七度二十一分四十九秒三十五微

火星用數

火星每日平行一千八百八十六秒六七。三五八

測火星平行之法亦用前後兩測與土木二星同新法算書載古測定二萬八千八百五十七日又千分日之八百八十三火星行次輪三十七周置中積日分爲實星行次輪周數三十七爲法除之得周率七百七十九日零十分日之九分四二七八三乃以每周三百六十度爲實周率爲法除之得二十七分四十一秒三十九微三十七纖四十三忽五十五芒爲每日火星距太陽之行與每日太陽平行相減餘三十一分二十六秒四十微一十二纖零七

忽四十四芒爲每日火星平行經度

最高每日平行十分秒之一又八三四三九九

正交每日平行十分秒之一又四四九七二三

本天半徑一千萬

本輪半徑一百四十八萬四千

均輪半徑三十七萬一千

均輪半徑比本輪半徑四之一

最小次輪半徑六百三十。萬二千七百五十

火星次輪時時不同本輪高而太陽又高者最大本輪卑而太陽又卑者最小二者皆在高卑之中則與太陽本天等大此設星在最卑又當太陽行最卑次輪最小半徑如

此

本天高卑大差二十五萬八千五百

太陽高卑大差二十三萬五千

合兩大差四十九萬三千五百半之二十四萬六千七百五十加於最小次輪半徑凡六百五十四萬九千五百爲次輪不大不小之半徑亦與太陽本天等大而在本天只得三之二弱耳

本道與黃道交角一度五十分

火星平行應二宮二十三度三十九分五十二秒十五微

最高應八宮初度三十三分一十一秒五十四微

正交應四宮一十七度五十一分五十四秒〇七微

求天正冬至

詳日躔

求本星平行

以積日

詳月離

與本星每日平行相乘滿周天秒數去之餘數

收爲宮度分爲積日平行以加平行應得本星年根

上考往古則置

平行應減積日平行

又置本星每日平行以所設距天正冬至之日數

乘之得數與年根相併得本星平行

求最高平行

以積日與最高每日平行相乘得數爲積日平行以加最高

應得最高年根

上考往古則置最高應減積日平行

又置最高每日平行以所

設距天正冬至之日數乘之得數與年根相併得最高平行

求正交平行

以積日與正交每日平行相乘得數爲積日平行以加正交

應得正交年根

上考往古則置正交應減積日平行

又置正交每日平行以所

設距天正冬至之日數乘之得數與年根相併得正交平行

求初實行

置本星平行減最高平行得引數

本輪心平行距最高之數亦卽均輪心左旋於本輪距初

宮初度之數也

用直角三角形

小句股形也

以本輪半徑內減去均輪半徑爲對直角之邊

土星本輪半徑八十六萬五千五百八十七減均輪半徑

餘五十六萬九千一百七十四木星本輪半徑七十萬五千三百二十減均輪半徑餘四十五萬七千三百四十火星本輪半徑一百四十八萬四千減均輪半徑餘一百一十一萬三千此邊爲小弦從本輪心抵均輪底與直角相對

以引數爲一角

此角轉本輪心引數度在本輪周卽其角之度

求得對引數角之邊

此邊爲小句用正弦比例半徑千萬爲一率引數度正弦爲二率對直角之邊爲三率求得四率爲對角之邊從直角抵均輪底與小弦相交 引數過象限以後用二率之

法詳曰躔實行條

及對餘角之邊

此邊爲小股用餘弦比例半徑千萬爲一率引數度餘弦爲二率對直角之邊爲三率求得四率爲對餘角之邊從直角抵本輪心用二率之法同上

又用直角三角形

大句股形也

以對引數角之邊與均輪之通弦相加

求通弦詳月離

本輪左旋一度均輪右旋兩度故均輪上用通弦通弦者引數之倍度也求法半徑千萬爲一率引數角之正弦爲二率均輪半徑爲三率求得四率倍之卽通弦火星均輪

半徑得本輪半徑四之一則對引數角之邊三分去一卽爲通弦

爲小邊

此邊爲大句從本輪心橫抵均輪倍度之處卽次輪心所在

以對餘角之邊與本天半徑相加減

引數三宮至八宮相加九宮至二宮相減

引數起最高初宮在頂六宮在底當云九宮至二宮相加三宮至八宮相減此註偶誤

爲大邊

直角在兩邊中

此邊爲大股

求得對小邊之角爲初均數

用切線比例大邊爲一率小邊爲二率半徑千萬爲三率求得四率爲正切以正切檢表得角度此角輳地心

并求得對直角之邊爲次輪心距地心線

爲求次均之用

從地心出斜線至次輪心爲大句股之弦用割線比例本天半徑爲一率初均數度之正割爲二率大邊爲三率求得四率爲次輪心距地心線

以初均數加減本星平行

引數初宮至五宮爲減六宮至十一宮爲加

得初實行

次輪心所當本天之度也次輪心距地心線已過本天截至本天當其度未至本天當引長之至本天當其度

求本道實行

置本日太陽實行減初實行得次引

卽星距太陽度

土木火皆在太陽上星與太陽合伏在次輪之頂自是逐口有距太陽度其行右旋距度卽次輪上之宮度

用三角形

斜三角也

以次輪心距地心線爲一邊次輪半徑爲一邊

惟火星次輪時時不同須

加減用之法詳後

火星與太陽有定距故次輪因高卑而有大小

次引爲所夾之外角

過半周者與全周相減用其餘

求得對次輪半徑之角

爲次均數

當用切線分外角法求之兩邊相併爲一率兩邊相減之

餘爲二率半外角切線爲三率求得四率爲半較角切線

以半較角減半外角其餘爲對次輪半徑之角

并求得對次引角之邊爲星距地心線

爲求視緯之用

此次引角皆謂兩邊所夾之本角從地心出斜線指星對之次均角正弦爲一率次引角正弦爲二率次輪半徑爲三率求得四率爲星距地心線

乃以次均數加減初實行

次引初宮至五宮爲加六宮至十一宮爲減

得本道實

行

星體行於本道也

求火星次輪半徑

以火星本輪全徑

命爲二千萬

卽最大之矢也

爲一率本天高卑大差爲二率均輪心距最卑之矢爲三率

引數與半周相減卽均輪心距最卑度不過象限則以餘弦減半徑爲正矢若過象限以餘弦加半徑爲大矢

八線表無矢線以餘弦加減半徑卽得

求得四率爲本天高卑差又以太陽全徑

亦命爲二千萬

太陽之本輪全徑

爲一率太陽高卑大差爲二率本日太陽引數之矢爲三率

引數過半周者與全周相減用其餘

太陽引數起最卑

求得四率爲太陽高卑差乃置火星次輪最小半徑以兩高卑差加之得次輪半徑

他星繞日繞其本輪心耳火日同類獨以太陽實體爲心

故次輪大小兼論太陽之高卑

求黃道實行

置初實行減正交平行得距交實行

次輪心距正交之度

乃以本天半

徑爲一率本道與黃道交角之餘弦爲二率

土星交角餘弦九九九。四木星交角餘弦九九九七三
火星交角餘弦九九九四九

距交實行之正切爲三率求得四率爲正切檢表得黃道度

與距交實行相減餘爲升度差以加減本道實行

距交實行不過象限

及過二象限爲減過象限及過三象限爲加

得黃道實行

星行本道與黃道相當之經度也

求視緯

以本天半徑爲一率本道與黃道交角之正弦爲二率

土星交角正弦。四三九一木星交角正弦。二三一七
火星交角正弦。三一九九

距交實行之正弦爲三率求得四率爲正弦檢表爲初緯

此次輪心距交遠近之本緯也正當交無緯滿九十度緯
最大各如交角

又以本天半徑爲一率初緯之正弦爲二率次輪心距地心
線爲三率求得四率爲星距黃道線

此次輪有高下而初緯變在本天半徑之上者緯加大半
徑之下者緯變小是爲星距黃道線星者通次輪言之猶
非星之實體也

乃以星距地心線爲一率星距黃道線爲二率本天半徑爲三率求得四率爲正弦檢表得視緯

此人視星之緯也星有高下而距線又變在本天半徑之上者距線變小半徑之下者距線加大也

隨定其南北

距交實行初宮至五宮爲黃道北六宮至十一宮爲黃道南

求晨夕伏見定限度

置黃道實行與太陽實行同宮同度爲合伏合伏後距太陽漸遠爲晨見東方

星遲日速故在太陽之西而晨見

順行順行漸遲

星之本輪心行于本天者恒平行無遲疾人視星行於輪

上則有遲疾且有順逆合伏後行次輪上半之左次輪心已隨本輪行而星復向左行則疾矣近象限其勢迤而下則漸遲

遲極而退爲留退初

星行次輪至象限其勢直下似不行而猶有本輪心之行入下半深近輪底星之向右行度分與輪之向左行度分相減適盡則似不行而留既留則星右行之度分多於輪左行之度分人視星爲退行矣留之頃卽退之初但積久乃及一度耳舊法星留數日或數十日其法粗疏理不如此也

退行距太陽半周爲退衝

當次輪之底火星近退衝割入太陽本天之內

退衝之次日爲夕見

過衝在太陽之東夕見東方

退行漸遲遲極而順爲留順初

輪底向右之勢速漸向上漸遲輪左行度分與星右行度分相減適盡而留既留則輪左行之度分多於星右行之度分復見爲順留之頃卽順之初

順行漸疾

過三象限以上輪左行而星亦向左故漸疾

復近太陽以至合伏爲夕不見

星近日爲陽光所爍日入而星未見日入地深而星亦沒

也日夕星可見而星當地平爲夕不見之始

其伏見限度土星爲十一度木星爲十度火星爲十一度三十分

因星體大小約爲此限

合伏前後某日太陽實行與本星實行相距近此限度卽以本日本星黃道實行依日食法求得限距地高

黃道在地平上九十度之限所謂黃平象限也必求此限者不得限距地高則無黃道地平交角不能算星距日黃道度也求法先依日躔篇以本日太陽實行查距緯求得本日日出入時刻如求晨見用日出時刻約減三刻求夕不見用日入時刻約加三刻次依月食篇以本時黃道實

經度求赤道經度乃依日食篇以本時變赤道度求本時
春秋分距午赤道度次求本時春秋分距午黃道度次求
本時午位黃赤距緯次求本時黃道與子午圈交角次求
本時午位黃道高弧次求本時限距地高卽黃道地平交
角也本時變赤道度以後亦可依月食法求之較省徑
伏見時星在地平太陽在地下宜求地下之限距地今求
地上之限距地者倒算借算法也黃道在地平上與地下
等地上近南之限距地卽地下近北之限距地故借地上
倒算之

乃用正弧三角形

有直角爲正弧

有直角

置星於地平設太陽在地上從天頂出線過太陽至地平交成直角猶太陽在地下從天頂出線過太陽至地平交成直角也

有黃道地平交角

即限距地高

有本星伏見限度爲對交角之弧

設太陽在地上其高弧爲本星伏見限度

求得對直角之弧

黃道地平交角之正弦爲一率本天半徑爲二率本星伏見限度之正弦土一九〇八一木一七三六五火一九九三七各爲三率求得四率爲正弦檢表得弧度

爲距日黃道度

若星當黃道無距緯卽爲定限度

又用正弧三角形有直角

有距緯從黃極出線交黃道成直角

有黃道地平交角以本星距緯爲對交角之弧

置星於地平或緯南或緯北距緯直角設於地平上距緯弧與直角相對

求得兩角間之弧

兩角間之弧無所對而已有兩角一弧求法本天半徑爲一率黃道地平交角之餘切爲二率距緯之正切爲三率求得四率爲正弦檢表得兩角間之弧

爲加減差以加減距日黃道度

緯南則加
緯北則減

從地平上視之緯南爲減緯北爲加地下之南北相反故

南加北減

得伏見定限度視太陽與星相距度近定限度如在合伏前某日卽爲某日夕不見在合伏後某日卽爲某日晨見

求合伏時刻

視太陽實行將及星實行爲合伏本日已過星實行爲合伏次日求時刻之法於太陽一日之實行內減星一日之實行爲一率

同向東行故相減

餘與月離求朔望時刻之法同

日法爲二率太陽距星爲三率求得四率爲合伏時刻

求退衝時刻

以星黃道實行與太陽實行相距將及半周爲退衝本日已

過半周爲退衝次日求時刻之法以太陽一日之實行與本星一日之實行相加爲一率

一東一西故相加

餘同前

亦以日法爲二率太陽距星爲三率

求交宮時刻

與月離同

求同度時刻

以兩星一日之實行相加減爲一率

兩星同行則減一順一逆則加

日法爲

二率兩星相距爲三率求得四率爲距子正之分數以時刻

收之卽得

求黃道宿度

與日躔同

亦以積年乘歲差得數加黃道宿鈴以減本星黃道實行
餘爲本星所躔宿度

推金水二星法

金星用數

金星每日平行三千五百四十八秒三三〇五一六九

與太陽每日平行同五十九分零八秒奇也 金水二星

之本天原在太陽本天之下其次輪原與太陽本天等大

與上三星同理而星行次輪有時在日上有時在日下繞

日成圓象離日不甚遠不能衝日則卽借太陽之本天爲

二星之本天以太陽之平行爲二星之平行而其繞日之

圈別爲伏見輪亦曰次輪其實借象亦借算也上三星亦

有繞日圈以其甚大不使用道具用歲輪本象算之金水亦自有本天有歲輪以其本天隱而伏見輪顯則於伏見輪算之

最高每日平行十分秒之二又二七一〇九五

金水正交與最高相距有定度故不列正交行及正交應伏見每日平行二千二百十九秒四三一八八六

金星離日之行也古測定二千九百一十九日又千分日之六百六十七金星行次輪五周置中積日分爲實星行次輪周數五爲法除之得周率五百八十三日零十分日之九分三三四乃以每周三百六十度爲實周率五百八十三日零爲法除之得三十六分五十九秒二十五微五

十二纖一十六忽四十四芒爲每日金星在次輪周之平
行一名伏見行

本天半徑一千萬

卽太陽之本天也

本輪半徑二十三萬一千九百六十二

均輪半徑八萬八千八百五十二

本輪之心在本天均輪之心在本輪亦如上三星

次輪半徑七百二十二萬四千八百五十

次輪又名伏見輪星體行其上右旋其心在均輪金星

原有次輪與太陽本天等大而金星本天在日天之下者
其半徑卽此次輪之半徑今旣用太陽之本天爲星本天

則原本天半徑遂爲此次輪之半徑矣星在原次輪上左旋今以伏見輪爲次輪則星仍右旋矣

次輪面與黃道交角三度二十九分

金星平行應初宮初度二十分十九秒十八微

卽秣元冬至次日壬申子正時太陽平行宮度也

最高應六宮。一度三十三分三十一秒。四微

伏見應初宮十八度三十八分十三秒。六微

水星用數

水星每日平行

與金星同

最高每日平行十分秒之二又八八一一九三

伏見每日平行一萬一千一百八十四秒一一六五二四八

古測定一萬六千八百零二日又十分日之四水星行次
輪一百四十五周置中積日分爲實以次輪周數一百四
十五爲法除之得周率一百一十五日零十分日之八分
七八六二一乃以每周三百六十度爲實周率爲法除之
得三度零六分二十四秒零六微五十九纖二十九忽二
十二芒爲每日水星在次輪周之平行一名伏見行 金
水各以伏見行加太陽一日之平行則金水之本行也

本天半徑一千萬

亦卽太陽之本天

本輪半徑五十六萬七千五百二十三

均輪半徑一十一萬四千六百三十二

次輪半徑三百八十五萬

此亦水星本天半徑借爲伏見輪半徑也

次輪心在大距與黃道交角五度四十分

大距離正交中交各九十度

次輪心在正交當黃道北交角五度。五分一十秒其交角較三十四分五十秒

與大距交角
相較後倣此

當黃道南交角六度三十分。二秒其交角較五十一分。二秒

正交本道自南而交入於北交角北狹而南闊

次輪心在中交當黃道北交角六度十六分五十秒其交角較三十六分五十秒當黃道南交角四度五十五分三十二秒其交角較四十四分二十八秒

中交本道自北而交出于南交角北闊而南狹

水星平行應

與金星同

最高應十一宮○三度○三分五十四秒五十四微

伏見應十宮○一度十三分十一秒十七微

求天正冬至

詳日躔

求本星平行

與土木火三星法同下條倣此

求最高平行

求伏見平行

亦倣求本星平行之法

求正交平行

置最高平行金星則減十六度水星則加減六宮得正交平

行

秣指言水星正交與最高同度是誤以中交爲正交也

求金星初實行

用引數求初均數

金星本輪半徑二十三萬一千九百六十二減去均輪半徑餘一十四萬三千一百一十爲對直角之邊

以加減平行爲初實行及求次輪心距地心皆與土木火星同

求水星初實行

用三角形

他星均輪起最近點輪心左旋輪邊右旋水星均輪起最

遠點輪心輪邊皆左旋他星引數一度均輪上兩度引數半周均輪一周水星引數一度均輪上三度引數四宮均輪一周故算法異

以本輪半徑爲一邊均輪半徑爲一邊以引數三倍之爲所夾之外角

過半周者與全周相減用其餘

求其對角之邊并對均輪半徑之

角

先求對均輪半徑之角用切線分外角法以邊總六十八萬二千一百五十五爲一率邊較四十五萬二千八百九十一爲二率半外角切線爲三率求得四率爲半較角切線以半較角減半外角其餘卽對均輪半徑之角乃以此角之正弦爲一率三倍引數所夾本角之正弦爲二率均

輪半徑爲三率求得四率爲對角之邊

又用三角形以本天半徑爲大邊以求得對角之邊爲小邊

以求得對均輪半徑之角與均輪心距最卑度相加減

引數不及

半周者與半周相減過半周者減去半周卽均輪距最卑度加減之法視三倍引數度不過半周則加過半周則減

三倍引數度不過半周者其度在引數度之外故加過半

周者其度在引數度之內故減

爲所夾之角求得對小邊之角爲初均數

亦用切線分外角法求之

并求得對角之邊爲次輪心距地心線

均數角之正弦爲一率所夾本角之邊爲二率次輪半徑

爲三率求得四率爲對角之邊

以初均數加減水星平行

引數初宮至五宮爲減六宮至十一宮爲加

得初實行

求伏見實行

置伏見平行加減初均數

引數初宮至五宮爲加六宮至十一宮爲減

減星行則加伏見行加星行則減伏見行

得伏見實行

求黃道實行

用三角法以次輪心距地心線爲一邊次輪半徑爲一邊伏

見實行爲所夾之外角

過半周者與全周相減用其餘

求得對次輪半徑之

角爲次均數

亦用切線分外角法求之

并求得對角之邊

以次均角之正弦爲一率亦如求次輪心距地心線之法

爲星距地心線

爲求視緯之用

以次均數加減初實行

伏見實行初宮至五宮爲

加六宮至十一宮爲減

得黃道實行

金水次輪之心在黃道上故以次均加減初實行卽黃道實行

求距次交實行

置初實行減正交平行爲距交實行以伏見實行相加

加滿全周

去之用其餘

得距次交實行

初宮至五宮爲黃道北六宮至十一宮爲黃道南

此原有之次輪心距正交實行也合星平行與伏見平行爲輪心本行則合星實行與伏見實行爲輪心實行也今雖不用原有之次輪而算距交必加伏見實行謂之距次

交實行猶之用原有次輪也

求視緯

以本天半徑爲一率次輪面與黃道交角之正弦

金星交角正弦〇六〇七六

爲二率

金星交角惟一水星交角則時時不同須求實交角用之法詳後

距次交實行之正

弦爲三率求得四率爲正弦檢表得次緯

此亦初緯也以距次交求得謂之次緯

又以本天半徑爲一率次緯之正弦爲二率次輪半徑爲三率求得四率爲星距黃道線

上三星求星距黃道線以次輪心距地心線爲三率則有時大于初緯此以次輪半徑爲三率則必小于次緯金星

可用別法求之先以次輪半徑七二二四八五乘交角正
弦半徑千萬除之得四三八九八二以此爲次輪大距正
弦乘各度距交之正弦半徑千萬除之卽得星距黃道線
可省一求

乃以星距地心線爲一率星距黃道線爲二率本天半徑爲
三率求得四率爲正弦檢表得視緯隨定其南北

距次交實
行初宮至

五宮爲黃道北六宮
至十一宮爲黃道南

求水星實交角

以半徑千萬爲一率交角較化秒爲二率

距交實行九宮至
二宮用次輪心在

正交之交角較三宮至八宮用次輪心
在中交之交角較仍視其南北用之

距交實行乃伏見輪心距正交非原有之次輪心距正交

也故雖自有其宮不以此宮分南北必查距次交實行初
宮至五宮爲北六宮至十一宮爲南

距交實行之正弦爲三率求得四率爲交角差置交角

用交角之

法與交角較同

以交角差加減之

距交實行九宮至二宮星在黃道北則加南則減三宮至八宮反是

水星正交在最卑九宮至二宮在本輪之下半三宮至八
宮在上半故用交角較與交角以此定而南北加減亦以
此分

得實交角

求次緯用爲二率

求晨夕伏見定限度

星實行與太陽實行同宮同度爲合伏合伏後距太陽實行

漸遠夕見西方

星與太陽同行之外仍有伏見行故過太陽而先夕見
順行順行漸遲遲極而退爲留退初

星行次輪亦以漸近象限而遲過象限入下半深伏見行
與輪心行相減適盡而留留際卽爲退初

退行漸近太陽

在太陽之下漸近太陽也

則夕不見復與太陽同度爲合退伏

輪之底與太陽合也

自是又漸遠太陽

在太陽西

晨見東方退行退行漸遲遲極而順爲留順初

亦以漸向上而遲退度與輪心行相減適盡而留留際卽爲順初

順行漸疾

亦以輪上半輪行而星亦行之故

復近太陽以至合伏爲晨不見其伏見限度金星爲五度
星體大故

水星爲十度其求定限度之法與土木火三星同

亦先求距日黃道度次求定限度

視星與太陽相距度近定限度如在合伏前某日卽爲某日
晨不見合伏後某日卽爲某日夕見合退伏前某日卽爲某

日夕不見合退伏後某日卽爲某日晨見

求合伏時刻

視星實行將及太陽實行爲合伏本日已過太陽實行爲合
伏次日

土木火太陽追星金星水星追太陽故相反

求時刻之法與月離求朔望時刻之法同

求合退伏時刻

星退行視太陽實行將及星實行爲合退伏本日已過星實
行爲合退伏次日求時刻之法與土木火三星求退衝時刻
之法同

求交宮時刻

與月離同

求同度時刻

詳土木火三星

求黃道宿度

與日躔同

推陵犯法

求陵犯入限

太陰陵犯恒星以本日太陰經度與次日太陰經度查本年陵犯恒星經緯度表

星近黃道內外太陰可相及者也

某星在此限內爲陵犯入限復查太陰在入限各星之上下

視兩緯同在黃道北者緯多爲在上緯少爲在下同在黃道南者緯少爲在上緯多爲在下一南一北者緯北爲在上緯南爲在下

皆以在星北爲上在星南爲下

太陰在上者兩緯相距二度以內取用太陰在下者一度以內取用

太陰恒有視差降下故在北取二度在南取一度猶日食陰秌限寬陽秌限窄之理也

相距十七分以內爲陵

太陰半徑大者可十七分陵者相及而未掩也

十八分以外爲犯

過一度則不爲犯

緯同爲掩 太陰陵犯五星以本日太陰經度在星前次日在星後爲入限餘與前同 五星陵犯恒星以兩緯相距一度以內取用相距三分以內爲陵

五星大者約三分

四分以外爲犯餘與前同 五星自相陵犯以行速者爲陵犯之星行遲者爲受陵犯之星如遲速相同而有順逆者以順行者爲陵犯之星逆行者爲受陵犯之星皆以此星經度本日在彼星前次日在彼星後爲入限餘同前

求日行度

太陰陵犯恒星卽以太陰一日之行度爲日行度

以本日經度與次日經度

經度相減卽得星微此

太陰陵犯五星以太陰一日之行度

○案此下當脫

與星一日之行度一句

相加減

星順行則減逆行則加

得日行度

五星陵犯恒

星以本星一日之行爲日行度 五星自相陵犯以兩星一

日之行相加減

兩星同行則減一順一逆則加

得日行度

求陵犯時刻

以日行度

有度者化分

爲一率日法爲二率相距度爲三率求得

四率爲分如法收之爲時刻

晝陵犯當不論

求視差

以日法爲一率太陽一日之行爲二率陵犯時刻化分爲三率求得四率與本日太陽實行相加爲本時太陽黃道度依日食求視差法求得東西差及南北差

以太陽黃道經度依月離篇求得赤道經度乃以陵犯時爲用時如日食篇求用時春秋分距午赤道度以下十七條求得東西差乃以本天半徑爲一率用時白道高弧交

角之正弦爲二率用時高下差之正弦爲三率求得四率爲正弦得用時南北差推陵犯不必如日食之密不求近時定時可也

求視緯

置太陰實緯以南北差加減之

加減之法與日食同

得視緯

求太陰距星

以太陰視緯與星緯相加減

南北相同則減一南一北則加

得太陰距星取

相距一度以內者用

求陵犯視時

以太陰實行化秒爲一率

以太陰日行度二十四除之卽得

一日分爲二十四時故日行度亦以二十四除

一時化秒爲二率東西差化秒爲三率求得四率爲秒收爲分以加減陵犯時刻

太陰距限西則加東則減

得陵犯視時

太陰視差皆由地心地面不同與日食同理五星亦有微差可不論

京師及各省北極高度

京師北極高三十九度五十五分

觀象臺之極高也

暢春園北極高三十九度五十九分三十秒

盛京四十一度五十一分

山西三十七度五十三分三十秒

朝鮮三十七度三十九分十五秒

山東三十六度四十五分二十四秒

河南三十四度五十二分二十六秒

陝西三十四度十六分

江南三十二度四分

四川三十度四十一分

湖廣三十度三十四分四十八秒

浙江三十度十八分二十秒

江西二十八度三十七分十二秒

貴州二十六度三十分二十秒

福建二十六度二分二十四秒

廣西二十五度十三分七秒

雲南二十五度六分

廣東二十三度十分

極高度皆以測影測星定各以本方極高度之正切 京

師八二六六二 盛京八九五六七山西七七八二四朝

鮮七七一六一山東七四六九二河南六九六九三陝西

六八一三江南六二六四九四川五九三三六湖廣五九

〇九三浙江五八四四八江西五四五六七貴州四九八

七福建四八八五九廣西四七〇九六雲南四六八四三

廣東四三七九一與黃赤大距度正切四三四六四相乘

半徑千萬除之爲赤道度之正弦得二至日出入卯西前

後赤道度以一度變時之四分加減卯酉正初刻得日出

入時刻分

各省東西偏度

凡偏東一度節氣遲時之四分
偏西一度節氣早時之四分

盛京偏東七度十五分

遲一刻十四分

浙江偏東三度四十一分二十四秒

遲一刻

福建偏東二度五十九分

遲十二分

江南偏東二度十八分

遲九分

山東偏東二度十五分

遲九分

江西偏西三十七分

早二分

河南偏西二度五十六分

早八分

湖廣偏西二度十七分

早九分

廣東偏西三度三十三分十五秒

早十四分

山西偏西三度五十七分四十二秒

早一刻一分

廣西偏西六度十四分四十秒

早一刻十分

陝西偏西七度三十三分四十秒

早二刻

貴州偏西九度五十二分四十秒

早二刻九分半

四川偏西十二度十六分

早三刻四分

雲南偏西十三度三十七分

早三刻九分

朝鮮偏東十度三十分

遲二刻十二分

偏東西度蓋屢測月食時刻定之節氣近子半東西可差
一日則朔望弦亦然而月大小惟據順天府時刻定者尊
京師也各省交食時刻則以東西偏度定 地球周九
萬里一度二百五十里此南北緯度里數也若東西經度
惟南海外當赤道之下者里數如之中國當赤道之北則
里數漸少愈近北則愈少如圓球上作距等圈近腰者大
近頂者小至頂則成一點矣各省相距東西相望或正或
斜欲求其里數皆可以弧三角法算之法用各省北極高
度減象限其餘爲距地北極度如求 京師與 盛京相
去之里數 京師距地北極五十度五分爲一邊 盛京

距地北極四十八度九分爲一邊偏度七度一十五分爲
所夾之角兩邊相併九十八度一十四分爲總弧餘弦一
四三二兩邊相減一度五十六分爲存弧餘弦九九九四
二併之一。一三七四折半五。六八七與角之矢八。
○相乘爲實半徑十萬爲法除之四。五爲對弧存弧兩
矢較以較加存弧矢五八爲四六三卽所求對弧矢以矢
減半徑爲餘弦九九五三七查表五度三十一分以五度
三十一分化里得一千三百八十里爲 盛京距 京師
斜望之實里數考之驛程一千四百四十五里蓋人迹紆
曲多六十五里也他省算經度里數倣此

推步法解卷五終

推步法解跋

江氏之學確守西法此編隨文詮釋卽法以明象卽數以明理其於七政諸輪幾於言下見圖信足爲學秣者先路之導然有似是而非者如以距弧求距時其加減從日者緣太陽有加均則實朔差而遲有減均則實朔差而少太陰反是故距時之加減從日不從月也距時加減從日則太陽太陰引弧之加減亦從日矣江氏解云此欲加減太陽之平引數進退皆從日然則加減太陰之平引數其進退當從月耶實交周爲黃白同經而太陰自行白道其食甚距緯與白道成直角故以實交周求食甚交周者卽以黃道求白道也江氏解云實交周者白道上距交之度食甚交周者黃道上距交之

度則太陰行至實交周卽食甚矣何以又有食甚距時之加減耶食甚距緯與白道成直角黃道緯度與黃道成直角故求黃道經度加減食甚距弧之後又有升度差加減江氏解云前已求食甚距緯是誤以食甚距緯爲黃緯其度分能相合耶太陰行白道與黃道斜交故以黃道求赤道必用斜弧三角形江氏以正弧法推之是誤以太陽黃道求赤道之法爲例矣且云赤緯後無所用不知緯度者弧度也經度者角度也斜弧形用矢較法必先求對角之弧而後可求餘角若舍緯求經則當用垂弧法不亦求簡而反繁耶此數端皆於祔理不合學者詳之秦氏五禮通考全錄其文惜多舛誤爰錄出校正約分五卷而漫附數語於末丁酉秋杪金山錢熙

祚志

